

ՅԱԿՈԲ ՊԱՏՐԻԱՐՔ ՆԱԼԵԱՆ ՆԱՐԵԿԱԳԵՏԸ

(1706-1764)

Յակոբ Նալեանի բազմահատոր գրական ժառանգութեան մէջ առանձնայատուկ փայլ ունի «Գիրք մեկնութեան աղօթից սրբոյն Գրիգորի Նարեկացոյ» քննական աշխատութիւնը: Գումգափուի մայր գպրատան հիմնադիր, Պոլսի Պատրիարք Յակոբ Նալեանին էր վիճակուած ըստ ամենայնի ճանաչման ներկայացնելու Գրիգոր Նարեկացու անունն ու գործը, փառքն ու մեծութիւնը: Ազգի եւ եկեղեցու բազում հոգսերով բենաւորուած, թոյլ առողջութեամբ, Նալեանը Նարեկացուն նուիրում է իր սիրան ու հոգին, իր իմացական կեանքը: Նա մտնում է ձեռագրերի բարդ աշխարհը, ուսումնասիրում է Նարեկացու վարքը, նրա շուրջ ստեղծուած զրոյցները, աւանդութիւնները, «Մատեան»ի միջնադարեան մեկնութիւնները, օգնում է Նարեկացու երկերի տպագրութեան գործին, բանաստեղծութիւններ է գրում նրա մասին: Եւ ապա 1745 թուականին Պոլսում տպագրում է Նարեկացու «Մատեան Ողբերգութեան» երկի, մի շարք ճառերի եւ ներբողեանների մանրակրկիտ մեկնութիւնները՝ ուսումնասիրութեամբ եւ գիտական ցանկերով հանդիր: Նոյն տարիներին, ինչպէս կարծում է հայագէտ Բ. Գ. Կիւլէսէրեան, Նալեան պատրաստում է նաև՝ «Համարաբրառ Նարեկի»: «Այսպիսի տաժանակիր աշխատութեան մը, - գրում է Կիւլէսէրեանը, - Նալեան միայն կրնար անձնատուր ըլլալ՝ իր ցաւերը մոռնալու համար»¹:

Անկասկած, Նարեկացու «Մատեան Ողբերգութեան» երկի ներքին մղումով է Նալեանը պատրաստում նաեւ իր «Գիրք աղօթից ամենայն անձանց հարկաւոր» ժողովածուն, որ տպագրում է Պոլսում 1760 թուականին: Պարզ, զիւրբմբոնելի գրաբարով հիւսուած աղօթքների մի նոր փունջ է այն, որ հեղինակը յանձնարարում է ժամանա-

1. ԲՍ.ԲԿէՆ ԱԹՈՒՌԱԿԻՑ ԿԱԹՈՂԻԿՈՍ, Յուցակ ձեռագրաց Ղալարիոյ ազգային մատենադարանի Հայոց, Անթիւսս, 1961, էջ 114:

կակից ազօթակր անձանց երգելու՝ «տանը թէ եկեղեցում» քնրչագին՝ «մեղուանց ձայնի», «անոնելի բարպառով», «հեզութեամբ՝ իրեւ հաւաչանաց եւ սրտից աղաղակ»²: «Գոգելով ներուղինք, - զրում է Նալեանը, «Մերուպայ վարդապետին, Եղիշեին եւ այլոց» խորագիրը կրող ազօթում, - պատուեմք զարգիւնաւոր վարդապետս եկեղեցւոյ Քրիստոսի՝ սուրբն Մեսրոպայ՝ իրեւ երկրորդ լուսաւորիչ Հայոստաննեաց, զսուրբն Եղիշէ զտապանական աստուածային զրոց եւ զհամեղարան մեկնիչն սրբազն տառից, զսուրբն Գրիգոր Նարեկացին՝ զհրեշտակական վարդապետն ձագայարոյց, որ երանաշնորհ վարդապետութեամբն իւրով եւ ազօթական բանիւքն՝ բանայ զգուռն խստացեալ սրտից եւ զղջումն արտասուաց եւ ապաշխարութեան, որովք յաղեացն քոց մալեալ զկաթն չնորհաց՝ բռնութեամբ ծորեցուցանք ի թողութիւն մեղաց, զԴաւիթ Անյաղթ փիլիսոփայն եւ սուրբն Մովսէս Խորենացին, զաշակերտս սրբոց թարգմանչացն եւ զուրբ զրիշս աստուածային տառից...»³:

Սակայն, ինչպէս նկատեցինք, Ժ. զարի մատենագիտական հրատարակութիւնների ցանկում, զործնական նշանակութեամբ եւ իր իմացական կշիռով բացառիկ տեղ է զրաւում Նալեանի «Գիրք մեկնութեան աղօթից սրբոյն Գրիգորի Նարեկացւոյ» վիթխարածաւալ քննական աշխատութիւնը: Այսպիսի մի գործ, բնականաբար, չէր կարող զուրս մնալ ուչազգրութիւնից: Ժ.հ-ի զարերի Նարեկացիագէտները բարձր են գնահատում այն եւ օգտաւում նրանցից: «Նարեկացւոյ զարծերուն մեծագոյն մասին վրայ առաջին մեկնութիւնը կամ լուծմունքը զրած է Տ. Յակոբ Արքեպիսկոպոս Նալեան, Կ. Պոլոյ մեծանուն Պատրիարքը, 1745ին, - զրում է հմուտ Նարեկագէտ, «Մատեանի» աշխարհաբար թարգմանութեան հեղինակ թորգում նպիսկոպոսը, - հոգով եւ հմուտեամբ զրուած ընկարծակ եւ կարեւոր գործ մը, որուն ընթերցումն զժուարացնող միակ բանն է չույզ ոճը...: Անոնք, որ կը զրագին այս հոգեշահ զիրքով, ու կը զրեն անոր մասին, ստորագրելէն առաջ, իբենց աշխատութիւնը պէտք է կնքեն Նալեան Պատրիարքի սա խօսքովը: «Աղամանդէ պալատին խեցիէ զուռ շինեցի...»: սա Նալեանի եղբափակիչ խօսքն է...»⁴:

1906 թուականին Բ. Վ. Կիւէսէրեան «Լոյս» ամսագրում տպագրում է «Նալեան եւ Նարեկացի» ուսումնասիրութիւնը: Այս աշխատութեան որոշ հատուածներ յետապայում (1957) տպագրում է նաև «Շողակաթում»: «Նալեանի կեանքն ու զրում, - զրում է հայակար, - այնքան հարուստ է եւ այնքան կնճռոտ, ծրագրած ենք արդէն, ու-

2. ՅԱԿՈԲ ՆԱԼԵԱՆ, Գիրք աղօթից ամենայն անձանց, Պոլիս, էջ 113:

3. Անդ, էջ 113-114:

4. ԳԻՒԳՈՐ ՆԱՐԵԿԱՑԻ, «Նարեկ, արդի հայերէնի վերածեց թորգում Էպիսկոպոս, երուսաղէմ», 1931, էջ 624, 627:

սումնասիրել հատորով մը, բայց օգտուելով ժամանակագրական պատեհութենք մը՝ Կողուի վախճանման եւ Նալեանի պատրիարքութեան թուականներէն, կը հրատարակենք մեր ուսումնասիրութեան մէկ գլուխը՝ «Նալեան եւ Նարեկացի»⁵: Բարձր գնահատելով Նալեանի մէկնութիւնը (դիտողութիւններով հանդերձ), քաջատեղեակ լինելով մատենագիտական ազգիւրներին, թ. Վ. Կիւշէրեան, իրաւամբ, նկատում է, որ Նարեկացու «Մատեան»ի ամբողջական մէկնութեան առաջին պատիւը պատկանում է Նալեանին: Զեայ չնորհքով գործ մը, զոր իրեւ վերլուծութիւն կամ մեկնութիւն կարող ըլլանք ընծայել Ծնորհալի Սարգսին կամ Լամբրոնացի Ներսէսին: Այդպիսի գործի մը ձեռնարկութեան պարծանքը կը մնայ, ուրեմն, նախ նոյն ինքն Նալեանին եւ ետքը՝ Հ. Գ. Աւետիքեանին»⁶:

Այս հարցի վերաբերեալ, գրեթէ նոյն կարծիքն է յայտնում նաև Գ. Վ. Աւետիքեանը. «Վասն զի չգտաւ առ մեզ ամբողջական օրինակ այն լուծմանց... արարեալ Լամբրոնացւոյն եւ ոչ ինչ մի յայտնութիւն նշանակի ի կարգի լուծմանցն կամ ի յիշատակարանի թէ՝ Սարգսի իցէ արարեալ», - գրում է նա: Գ. Վ. Աւետիքեանը գնահատելով Նալեանի մեկնութիւնը, նկատում է, որ հեղինակը ծանրաբեռնել է բուն նիւթը՝ վարդապետական կամ բանասիրական ծանօթութիւններով եւ զիտարութիւններով. «Ամենեցունց զրասիրաց ակներեւ կայ ընդարձակ Մատեանն, զոր ի մերում դարուն երեւեցոյց Յակոր Պատրիարք Նալեան, տպագրութեամբ ի Կոստանդնուպոլիս յամի 1745, յորում բաց յազօթական բանիցն եւ զառն սրբոյ վարդապետին առնու ի բացայատութիւն: Արդարեւ, - շարունակում է նա, - աշխատութիւն բազում յանձն առեալ ի գրել, որպէս եւ երեւի, բայց ընդարձակնութեամբն յայլ խօս վարդապետականս կամ բանասիրականս ոչ ժամանեալ տալ զճզգրիս տեղեկութիւն առաջն եղելոց բանիցն»⁷:

Նալեանի «Գիրք մեկնութեան ազօթից սրբոյն Գրիգորի Նարեկացւոյց» աշխատութիւնը բաղկացած է երկու հատորից: Առաջինը կազմում է բուն «Մատեանի» մեկնութիւնը՝ 720 երկսիւն էլերից, իսկ երկորդը՝ ճառերի եւ ներբողեանների. «Հատոր երկորդ մեկնութեան ճառից եւ ներբողինաց»: «Ի վերայ ճառի Ապարանից սուրբ խաչին», «Ի վերայ ճառի Սրբուհւոյ Աստուածածնին», «Ի վերայ ճառի սրբոց Առաքելոցն», «Ի վերայ ճառի սրբոյն Յակորայ», «Ի վերայ ճառի սրբոյ գալստեան», «Ի վերայ սրբոյ Եկեղեցւոյց» եւ «Ի վերայ սրբոյ Խաչին»: Ճառերի եւ ներբողեանների մեկնութիւնը սկսում է 721 էջից եւ աւարտում է 1051 էջով: Գիրքն ունի նախարան

5. «Լոյս» շաբաթաթերթ, 1906, թիւ 15, էջ 130:

6. Անդ, թիւ 15, էջ 346-347:

7. Հ. Գ. Աւետիքեան, Նարեկ աղօթից, Վենետիկ, 1859, էջ ԺԱ:

եւ գիտական ցանկեր: Ամբողջութեամբ 1136 մէծադիր, մանրատառ էջերից բաղկացած մի վիթխարի աշխատութիւն է այն, արդէն իսկ առհաւատչեան հեղինակի մատենագիտական հզօր իմացութեան ու թափի: «Պատճառ մեկնութեան աղօթական եւ ներրողական գրքոյն սրբոյն Գրիգորի Նարեկացւոյ» խորագրով նախարանում (էջ 16-17) Նարեան ընթերցողին է ներկայացնում իր մեկնութեան ստեղծագործական պատմութիւնը: Իսկ երկերի մեկնութեան նախարանը, որ կրում է «Նախագրութիւն մեկնութեան աղօթից եւ ներրողինեաց գերազանց եւ հրեշտակական վարդապետին մերոյ սրբոյն Գրիգորի Նարեկացւոյն» խորագիրը, բաղկացած է 17 մէծադիր, մանրատառ, երկսիւն էջերից եւ բաժանուում է հինգ մասի: Դրանցում լուսարանուում են Նարեկացու կեանքի ու անհաւականութեան հետ կապուած հարցեր, «Առաջին՝ գերազանցութիւն սրբոյն Գրիգորի ի կողմանէ ծննդութեան, անուանակոչութեան, հասակի եւ կուսական մաքրութեան», «Երկրորդ՝ գերազանցութիւն սրբոյն Գրիգորի ի կրթութենէ եւ ի ներհեղական չորհաց», «Երրորդ՝ գերազանցութենէ խոնարհութեան եւ զիրոյն առ Աստուած, առ սուրբն եւ առ ընկերն», «Չորրորդ՝ գլուխ գերազանցութիւնէ զզջման եւ զաղօթական գրքոյ սրբոյն Գրիգորի», եւ «Հինգերրորդ՝ գերազանցութենէ սրբոյն Գրիգորի ի կողմանէ սփանչելեացն»: Սրանց յաջորդում են՝ «Պատճառ մեկնութեան աղօթական եւ ներրողական գրքոյ սրբոյն Գրիգորի Նարեկացւոյ» եւ «Յայտարարութիւն նախերգանի բոլորի սուրբ գրքոյս» հատուածները, որոնք հետաքրքիր են հարցի պատմութեան եւ այլ առումներով:

* * *

Նարեանը հաշուի առնելով, «Մատեան»ի լեզուի եւ ոճի բարդութիւնը, կանխապէս ծրագրում է ներկայացնելու սոսկ խրթին, գծուարամարս բառերի բացատրութիւն. բայց աշխատանքի ընթացքում, ինքն էլ չիմանալով թէ ինչպէս, նա անցնում է նախատեսուած սահմանագիծը եւ խրթին բառերը բացատրելու հետ միասին, նաեւ տալիս է մեկնութիւնը՝ համապատասխանաբար: «Ա'րդ քանզի մտարերելով մեր, թէ ներքին գեղեցկութիւնք բանից սրբոյ Վարդապետիս բառիւք իրը ամպովք թափուցեալք էին, վասն այնորիկ ջանացաք ձեռնարկել առ ի գրասս լուծանել, եւ մինչ ժամանեալ էաք ի գլուխն չ եւ զոմանս ի բանիցն եւս մեկնեալք...»: Հոռմլացի Պետրոս աստուածարան վարդապետը ծանօթանալով Նարեանի աշխատանքին, ողեւորում է եւ թափանձում Նարեանին այդ եղանակով մեկնել ողջ «Նարեկը» եւ ներրողները. «Տեսեալ զայնս սիրելի եղրայր մեր Հոօմլայեցի Պետրոս Աստուածարան վարդապետն, ո՛չ սակաւ համարելով զրադաւոնս

մեր եւ գհուստ ամենից եկեղեցեաց եւ ազգիս, սկսաւ թախանձել զմեզ
եւ աղաչել, թէ՝ զբոլորն այսպէս առնել աղերսեմ, հոգի Վարդապետ.
եւ մեք զիջեալ ի խնդիր նորա՝ քաց ասել չկարացաք, վասն որոյ մո-
ռանալով զտկարութիւն մեր, յայնմ տեղուցէ սկսաք ի վերայ ամե-
նայն նիւթաւոր բանիցն առնել զմեկութիւնս մինչեւ ի վերջն. եւ ի
յսկիզբէն վերստին սկսեալ հասուցաք մինչեւ ցանդր»⁸: Այնուհե-
տեւ, նկատում է Նալեանը, - Յարութիւն աստուածաբան վարդապե-
տը եւս, ծանօթանալով գործին, առաւել քան առաջինը, թախանձում
է Նալեանին կազմելու նաեւ մեկնութեան իւրաքանչիւր գիսի համա-
ռատագրութիւնը. «Վերստին հարկաւորեցաք, - գրում է Նալեանը, -
ի մոռանալ զգրադմունս մեր եւ ի ժամանակէ՝ իրը զժամանակ եւ
զպահ գողանալով, ի մէջ երկուց ամաց աւարտեցաք զսի ի փառ Աս-
տուծոյ եւ ի պատիւ հրեշտակական վարդապետին»⁹:

Նալեանի երախտիքը մէծ է նախ եւ առաջ նրանով, որ Նարեկա-
ցու «Մատեան Ողբերգութեան» պոէմի, ճառերի ու ներբուների մեկ-
նութեան ծանր ու գժուարին խնդիրը իւրականացնելու հետ միասին,
առաջին անգամ էլ տպագիր խօսքով (1745 թ.), ընթերցողին է ներ-
կայացնում նաեւ Նարեկացու կեանքի ու գործունէութեան ծանօթ-
անձանօթ էջերը՝ մի հնարաւոր ամբողջութեան մէջ եւ գնահատում է
«Նարեկը»: Սա յիրաւի, խոշոր պատմագրական երեւոյթ է: Հայագի-
տական այսօրինակ քննական մենագրական աշխատութեան երեւան
գալը, ինքնին ուշագրաւ երեւոյթ էր: Թէեւ Նալեանը, իր գարի ծր-
նունը լինելով, իսկ գարը կրօնական էր (լ.էո), ուսումնասիրու-
թիւնը առաջ է վարում առաւել քան բանաստեղծական-սրբախօսական
(Եթէ կարելի է այսպէս ասել) եղանակով եւ մի աներեր յատակով է
խօսում Նարեկացուն վերագրուած հրաշագործութիւնների, սփանչե-
լագործութիւնների, նրա շուրջը ստեղծուած առասպելական զրոյց-
ների ու աւանդոյթների մասին (որոնք պատճառաբանում են պատ-
մականօրէն) եւ անշուշտ, անառարկելի չեն նաեւ նրա բոլոր փաս-
տարկումներն ու հարցագրումները, սակայն, այսուամենայնիւ, Նա-
րեկացու վարքը, անհատականութիւնը, նրա կեանքն ու գործունէու-
թիւնը եւ մանաւանդ «Մատեան Ողբերգութեան» երկը նա քննում,
մեկնաբանում, գնահատում է հիմնականում պատճառաբանեալ սկրզ-
բունքով, գիտականօրէն, Ժ. դարի կրօնա-ազգային, լուսաւորական
առաջադէմ բանաստեղծ-գործչի մտահայեցնով:

Տեսնենք թէ Հայոց ցաւաշատ կեանքի ի՞նչ խնդիրներ է բար-
ձրացնում, ի՞նչ հարցեր է առաջադրում եւ լուծում Ժ. դարի լուսա-
ւորականը՝ Ժ դարի հանձարեղ բանաստեղծի «Մատեան Ողբերգու-

8. ՅԱԿՈԲ ՆԱԼԵԱՆ, Գիրք մեկնութեան աղօրից..., էջ 15:

9. Անդ, էջ 15:

թեան» պոէմի եւ այլ երկերի մեկնութեան, նրա կեանքի առանձին չջերի լուսարանութեան եւ նրան նուիրուած իր բանաստեղծութիւնների միջոցով։

«Մատեան»ի մեկնութեան իր եղրափակիչ, չափարերական տողերի մէջ, Նալեանը համեստօրէն նկատում է, որ ինքը աղամանդեայ զղեակի համար հազիւթէ կարողացել է խեցիէ մի գոնակ բացել . . . եւ կամ թէ ծովից մի կաթիլ ջուր հանե՝ «Զրիւրոց բանից զմինն յայտ արարի»։

Որ զմի հատոր զաղօթից բան,
Յոզնիմաստից ըշտեմարան,
Ըստ իմ կարի յորդ քըրտնաջան,
Յաւարտ ածի մեկնողական։

Թէպէտ սրբոյս բանիցն ոսկեայ,
Լուծումն ետու զէտ պղնձեայ,
Կամ զըդեկին աղամանդեայ,
Դուռըն եղի իրրու խեցեայ¹⁰։

Սակայն Նալեանը «Մատեան»ի աղամանդեայ զղեակի համար, անթաքուստ սիրով ու հմտութեամբ, պատրաստում է ո՛չ թէ «ինցեայ» գոնակ, այլ՝ աղամանդեայ վիթխարի մի գուռ եւ այդ մուտքով յառաջնալով մտնում է «Մատեան»ի ներքին բոլոր զաղտնաբաններն ու խորչերը, վերծանում է նրա ծածուկ մտքերը, մատնացոյց անում նրա արուեստի հարազները։ Նալեանը նարեկացու «Մատեան»ը քըննում, զնահաստում է իրրեւ մի սրբազն զիրք, իրրեւ մի երկնապարգեւ, անօրինակ ստեղծագործութիւն։ Թէ՛ Նարեկացու վարքի, գործունէութեան շարագրանքը, եւ թէ «Մատեան»ի մեկնութիւնը՝ Նալեանը առաջ է վարում համեմատութիւնների, հակագրութիւնների ու գուգահեռների եղանակով, քննական անսահմանափակ, լայն զաշտի վրայ։ Այս կերպ Նալեանը ծրագրում է իրականացնել երեք խնդիր՝ միաժամանակ. առաջին՝ յոյց տալ «Մատեան»ի եւ «Աստուածաշնչի» զաղափարական կապն ու յարակցութիւնը։ Երբորդ՝ մատնանշել քրիստոնէական հաւատքի, բարոյական աստուածարանութեան ու գիտական փլիխսոփայութեան զաղափարականին ընդհանրութիւնները, բարոյագիտական այն չափերը, որոնք անհրաժեշտ էին Հայոց ներքին կեանքի, հայ կենտրոնական եկեղեցու զիրքերի ամրապնդման, մարդու բարոյական վերափոխութեան համար, եւ երբորդ՝ հայ ժամանա-

10. Անդ, էջ 720։

կակից սերունդների բազմակողմանի եւ հարուստ գիտելիքներ տալու նպատակով՝ ծանօթացնել նրանց յունա-հոռմէական եւ հայ հին եւ միջին դարերի գիտութեան, գրականութեան, պատմութեան, փիլիսոփայութեան ու արուեստի նուաճութներին: Այս նկատառութներով Նալեանը Նարեկացու «Մատեան»ի ատեն մի բառ, բառակապակցութիւն, կամ ամէն մի տող մենաբանելիս, բուն աղբիւրագիտական, աստուածաշնչային բացատրութիւնը տալուց յետոյ, բերում է համապատասխան օրինակներ նաև ազգային եւ ընդհանուր, կրօնական եւ աշխարհային կեանքից, յունա-հոռմէական, հայ հին ու նոր գասական գործիչներից՝ Արիստոտէլ, Հոմերոս, Էսքիլէս, Սոփոկլէս, Եւրիպիտէս, Հերակլիտէս, Դեմոկրիտէս, Սոկրատ, Պղատոն, Փիլոն, Պորֆիր, Պիթագորաս, Պրոկլ, Աղեքսանդր Մագիստրոս, Մատոց, Խորենացի, Եղիչը, Ն. Շնորհալի, Ն. Լամբրոնացի, Մ. Գոչ, Յովհաննէս Մործորեցի, Ղուկաս Վանանդացի եւ այլք, յիշում նրանց կեանքի ու գործունէութեան արժանայիշատակ էջերը, հիմնաւորում է Նարեկացու հայեացքները, նրանց ստեղծագործութիւնների համապատասխան օրինակներով: Դասականներից բացի, Նալեան առատորէն օգտում է նաև դիցարանութիւնից ու ժողովրդական բանահրւատութիւնից, մէջբերումներ է անում զրոյցներից, առասպեկներից, աւանդոյթներից, բազմաթիւ խօսուն օրինակներով հաստատում է Նարեկացու «Մատեան»ի իմացարանական, բարոյագիտական դրոյթները եւ այդ եղանակով որոշում հանճարեղ բանաստեղծի խօսքի կշիռը, նրա տեղն ու գերել՝ ընդհանուր եւ ազգային գրականութեան պատմութեան մէջ:

Դժուար, չափազանց դժուար է յաղթահարել Նալեանի մեկնութիւնը հենց թէկուզ միայն այս առումով: Անհնարին է մտովին դասել, դասակարգել այն թեւաւոր մաքերը, զրոյցները, առասպեկներն ու պատմութիւնները, առածներն ու ասացուածքները, առակներն ու հանելուկները, որոնց Նալեանը անդրադառնում է իր մեկնութիւնների ժամանակ: Անհնարին է նշել գործիչների, պատմական եւ առասպեկտական բոլոր անձանց անունները, վերյիշել նրանց մոտքերը, որոնք սփռուած են «Գիրք մեկնութեան աղօթից սրբոյն Գրիփորի Նարեկացւոյ» 1136 երկսիւն, մանրատառ էջերում: Այս ամէնը կը պահանջի ստեղծելու Նալեանին նուիրուած մի ստուարածաւալ մէնագրութիւն, որի տեղը բաց է, եւ յուսանք, որ այդ բացը կը լրացնեն հայագիտութեան երախտաւոր նոր սերունդները . . . :

Նալեանը «Մատեան Աղբերգութեան» պոէմի բարձրագոյն արժէքը համարում է նրա նաեւաշողական, բնեադատական յատկութիւնը, հաւատքի, իմաստութեան, գիտութեան, խրատանքի միջոցով կեանքը, իրերի աշխարհը ճանաչելու, հասկանալու, վերարտացողելու Նարեկացի-դադագէտի աստուածային չնորհը, նրա երկի սքանչելական,

կախարդական արուեստի ու բովանդակութեան կուռ ներդաշնակութիւնը, վերընթաց զիծը: Այս առումով, յիրավի նալեանի ուսումնասիրութիւնը պէտք է գնահատել իրբեւ հայ նորագոյն շրջանի գրականգիտութիւնն սկզբնաւորող երեւոյթ, իրբեւ նալեանի քննական եղանակի անառարկելի նուաճում:

Նալեանը, նարեկացի գեղագէտի մեծութիւնը, «Մատեան»ի իրական, ճանաչողական հօրեղ ոյժը ցոյց տալու նպատակով, նրան համեմատում է հին յունական հոչակաւոր մատերիալիստ փիլիսոփաներ Դեմոկրիտի և Հերակլիտի հետ. «Վասն որոյ, - զրում է Նալեան: Նարեկացու մասին, յիշելով Դաւիթ Անյաղթի համապատասխան խօսքերը, - ո՞չ միայն քարեաւ մնալ կենցաղոյս հեշտութեանց ասել ըղձակերտէր, այլ եւ մանաւանդ զեր ի վերոյ զագարանն նեմէր..., զիրողութեամբ աշխարհիս ծիծաղիով, երբեմն իրբեւ զշերակիտէս՝ լալով»¹¹... Ուրեմն, ըստ Նալեանի, նարեկացի գեղագէտը «Գեր ի վերոյ աշխարհի զագաթանն ձեմէր», բովանդակ աշխարհն ամրողութեամբ՝ աստուածային և մարդկային իրողութիւնները (իրականութիւնը) իր ամենատես հայեացքի տակ առնելով, վերաբացում է՝ երբեմն ծիծաղելով՝ կեանքի իրողութիւնների անհեթեթութիւնների, մարդկային հոգու թուլութիւնների վրայ, երբեմն լացով՝ կեանքի անարդարութիւնների, բանական գոյի սիսալ ընթացքի, անճարակութեան, մարդկային հասարակութեան անարդար յարաբերութիւնների, անհիմն նիմիթապատութեան ու այլ ցաւերի համար..., և այս բոլոր աստուածային իմաստութեամբ: Նալեան մեծ հմտութեամբ, հոգերանական նուրբ եւ խորը դիտումներով բացայացում է «Մատեան Ոլդերգութեան» պոէմի այս սուր, հակագիր, երկակի բնոյթը՝ ծիծաղ ու լաց, ցաւ ու զզում, բողոք եւ հառաջանք, լոյս ու խաւար, յուսախարութիւն եւ հաւատ, ողը եւ սիմֆոնիում...: Այս բոլորը, նալեանի հասկացութեամբ, նարեկացուն գարձնում են մի առեղծուածային յայտնութիւն, մի լեզենդար հերոս, մի նոր Քրիստոս, մարդ աստուածացած, մի նոր անմարմին էութիւն, եւ կամ՝ մի նոր Պրոմիթեւս, որ տառապում է մարդ հոգածնի ցաւերով եւ զեղ որոնում նրա համար: «Սա մեզ երկրորդ Պոխմիթեւս, - բացականչում է նալեանը, - գողացեալ զիուր յԱստուծոյ եւ շնորհեալ մարդկան»¹²: Այսպիսի համեմատութիւնը վեր է ամէն գնահատանքից (երբ հաշուի ենք առնում նաև ժամանակը): Զէ որ Պրոմիթեւսը Աստծու կամայականութիւններից մարզուն, նրա իրաւունքը պաշտպանելու համար, աստուածների բնակարան Օլիմպիոսից փախցնում է կրակը՝ նուիրում մարդկանց, եւ Զեւսը դաժանօրէն

11. Անդ, էջ 5-6:

12. Անդ, էջ 6:

պատժում, շղթայում է նրան: Կրակն աստուածային, յաղթանակի, յոյսի, կեանքի, շարժման, մարդկային հասարակութեան կենսունակութեան ոյժի այդ խորհրդանիշը, Նարեկացին վերցնում է «ամենագութ», «ամենաբարի», «ամենասատեղծ», «ամենակարող», «անձեւ» եւ «անմարմին», «անչունչ», բանական գոյից՝ Աստծոց, կեանքի մշտնջենականութեան այդ հաւաստիքը, պրոմիթենսեան լեզենդար այդ կրակն, ահա, Նարեկացին խում է երկնային թագաւորից եւ չոռքհում՝ «կենդանի», «չնչաւոր», «մարմնաւոր», «հողեղին», բանական գոյին՝ մարդուն, որպէսզի նա, որ ի ծնէ ամենակարողը շրնչաւոր էակների մէջ՝ «ծառը պատպարեր», «զարդը տիեզերքի»՝ չմնայ անսպուղ, չհեռանայ ինքն իրերից, ճանաչի իրեն, ոյժ ներարկի իր մէջ դիմագրելու չարին, ամուր կանգնի իր հողի վրայ: Նալեան այս համեմատութեամբ մարմնաւորում է Նարեկացու անչափելի սէրը դէպի մարդը, երեւութականացնում է նրա տառապանքը, ցաւը, մտավախութիւնը, մարդու ճակատագրի նկատմամբ: Արանք հարցեր, ինդիբներ են, որոնք մարմնաւորում են «Մատեան»ի էջերը՝ ծայրից ծայր: Աստուած ողորմութիւն է պահանջում բանական գոյից, մարդուց եւ ո՛չ զոհ, ասում է Նարեկացին.

Եւ արդ, տո՛ւր բարեկութ, աղաչեմ գեեց, տո՛ւր ինձ ողորմութիւն, Որ զայսոսիկ դու ինքնին քեզէն քոյովդ բանիւ մեղ սահմանեցեր՝ Ասելով, թէ՝ Տո՛ւր զայդ նուէր յանուն փրկութեան ձերոյ Աստուծոյ, եւ սուրբք եղերուք, զի ողորմութիւն կամիմ եւ ո՛չ զպատարագ¹³:

«Մատեան»ում ծայրից-ծայր իշխում է բարձր կենսափիլիսոփայութիւնը: զա Հայոց Ժ-ԺԴ զարերի վերածննդի գրականութեան յատկանիշերից մէկն է: Այն առաւել չօշափելի է դառնում, երբ լսում ենք Նալեան Նարեկացիագէտի մեկնարանութիւնը՝ «Մատեանի», «ինքնագատանքի», «յանդիմանութեան», «եղբայրանքի» բուժիչ, վերանորոգիչ, կենսատու յատկութիւնների վերաբերեալ: Հենց այս ելակէտով էլ Նալեանը համարձակւում է Նարեկացու «Մատեան Ողբերգութեան» երկը (իրրեւ մարդու կատարելութեան, վերափոխութեան, խորին խորհուրդ) կոչել «Համառօտ Աստուածաշունչ» կամ «Երկրորդ Աւետարան»¹⁴:

Մարդն է չարի ծնունդ տուողը, նա ինքն է իր մէջ բուն գրած արատների պատճառը: Նա է իր ներքին թշնամին, նա իր մեկարդանքով, իր սիսպլմունքով է հեռանում ինքն իրենից, եւ հաւասարում անբան անասունների: ուստի մարդը ինքը պէտք է ձգտի գուրս զալու

13. ԳՐԻՒՈՐ ՆԱՐԵԿԱՑԻ, Մատեան ողբերգութեան, աշխատափութեամբ՝ Ա. Ա. Ղազինեանի, Երևան, 1985, էջ 261:

14. ՅԱԿՈԲ ՆԱԼԵԱՆ, Գիրք մեկնութեան աղօրից, էջ 5:

այդ ճգնաժամից եւ տնօրինի իր կեանքի ընթացող՝ ամենակատարեալի օրինակով՝ բարութեամբ, իմաստութեամբ եւ խիզախութեամբ (Դ. Անյաղթ, Գր. Նարեկացի), չէ որ «Աստուած մարդացաւ, որ մարդն աստուածանայ...»։ Սա յիրաւի նոր, քրիստոնէական վերածննդի գաղափարախօսութիւնն է։ Աստծու կամայականութիւնը, գամանութիւնը, վրիժառութիւնը բացառուած է Նարեկացու մօտ։ Աստուած բարի հայեացրով է նայում մարդուն, բայց մարդը երախտամու է, ունահարում է բնութեամբ իրեն տրուած իրաւունքները, շնորում է իր սահմանից։ Հենց սա է Նարեկացու համամարդկային ողբերգութեան հիմնական հարցը, նրա աղերսանքի բուն պատճառը, յարուցիչը, աղերս որ նոյն չափ զօրաւոր է։ «Բարձրացրու, ուզգի՛ր գետաբեկ ընկած ծառս բանական» – թախանձում է Նարեկացին։ «Բժշկութիւն եմ աղերսում Հոգուս», «չարի արարքով շեղուած եմ ճամրից», «տո՛ւր երանութիւն», «տո՛ւր ողորմութիւն»։ Այո՛, մարդու, բանական գոյն վերափոխութեան հարցն է «Մատեան»ի կենսահայեցողութեան խորին խորհուրդը եւ հենց այդ է պատճառը, որ նալեան «Մատեան»ին վերագրում է աստուածանչային գեր։ «Մատեան»ը Աստուածանչ կոչելու վերաբերեալ առաջին տպագիր խօսքը, որքան մեզ յայտնի է, պատկանում է Նալեանին։ Դա մի ընդհանրացուած եւ համարձակ հայեացք է, որ պէտք է ճիշտ հասկանալ։ Նալեան արձագանքում է ժողովրդին։ Ժողովրդը զարեր շարունակ պաշտել է «Մատեան»ը իրեւ «Համառօտ Աստուածաշունչ» կամ «Երկրորդ Աւետարան»։ Յայտնի է, որ «Մատեան»ի յատկապէս «Ընկալ քաղցրութեամբ» (ԺԲԴ) եւ «Որդի Աստուածոյ» (ԽԱ՛) բանքերի նշուած հաստուածները ասուել են իրեւ ամէնօրեայ աղօթք։ Նարեկացու «Մատեան»ը Աստուածաշնչի հետ համեմատելով՝ Նալեան կամենում է շշտել բանաստեղծական այդ գերթուածի բացառիկ մեծութիւնը, նրա ընդհանուր, հանրագիտական, համակարգային, խրատական, բարոյա-փիլիսոփայական վարդապետական բնոյթը։ «Մատեան»ը բացատրում է Նալեան, ինքնին աստուածային եւ մարդկային յարաբերութիւնների նոր, իրատեսակ համահիւսուածք է, մի մշտնշնեականի կշռամատեան, որ խօսում է բոլոր ժամանակների, բոլոր մարդկանց հետ, ներքափանցում է բոլոր բանական արարածների հողիները...։ Յայտնի է, որ նման գեր է վերապահում իր երկին նաև ինքը՝ Նարեկացին։

Եւ արդ, ընկալ զայս հիւսուած բանի աղիողորմ հեծեծանաց, եւ հոտոտեսցի՛ յայս նուէր բանի անարիւն զոհի, թագաւոր երկնի... Պատմեսցի՛ ի յականչս ազգաց
Եւ քարոզեսցի՛ ի լուր ժողովրդոց,
Նկարեսցի՛ ի զրունս իմաստից

Եւ տպաւորեսցի՝ ի սեամս զգայութեանց,
իբր կենդանեաւք զի՞մս պատմեսցէ
Խոստովանեալ զանօրէնութիւն:
Եւ թէպէտ վախճան ընկալայց իբր զմահացու,
Այլ յարակայութեամբ բանի այս սոփերի
Գրեցա'յց կենդանի¹⁵:

Բայց դարձեալ լսենք Նալեան նարեկացիագէտին, տեսնենք թէ
առաւելապէս ի՞նչ ի նկատի ունի «Մատեան Ողբերգութեան» երկը
«Համաօօտ Աստուածաշունչ» կոչելու: «Երէ, - գրում է Նալեան, -
ամենայն զիրք աստուածաշունչք օգտակարք են առ ի վարդապետու-
թիւն ե՛ւ ի խրատ ե՛ւ ի յանդիմանութիւն, զի՞նչ գոն ի կրթութեան
սրբոյն Գրիգորի, որք ո՛չ իցեն եղանակք վարդապետութեան...»¹⁶:

Խրատքը կատարելութեան, յանդիմանութիւնքը, ինքնարքննադա-
տանքն ու եղայրականքը, Նալեան նկատում է իրուել «Մատեան»ի
արուեստի իմացականութեան հիմնային գծեր, իրականութեան ճա-
նաչման եւ արտացոլման վառ յատկանիշներ: Թւում է, թէ Նալեան
ինչինչ չափերով ըմբռուում է քննադատական ուշալիզմի (այսօրուայ
արտայայտութեամբ) էութիւնը: Յիրաւի, «Մատեան»ում ծայրից
ծայր իշխում է մարդկային իրողութիւնների անսահմանափակ, ան-
զիջում, առողջ քննադատութիւնը: Նայի՛ր երկնքից, դիմում է Նա-
րեկացին երկնային թագաւորին, եւ տես թէ ի՞նչ է կատարուում եր-
կրում.

Հայեա'ց, Տէ՛ր, յերկնից գուարթ քաղցրութեամբ
Յամենակործան վտանգ նեղելոյս
Եւ արա՛ անդորր հանգստական դիւրաւոր
Ի բազմատագնասն հեծութենք:
Եւ զյարուցեալ գումարս սատակչաց,
Եթէ սպառակէնք այսական դժնեայ հնարաւորութեամբ
Բուռն մարտակցաց պատկանեալ զինուք,
Եթէ մեղաց տգեղ եւ քո ատելի կերպարանք,
Եթէ ցաւոց եւ ախտից վատնիչ եւ կորստական նշմարանք,
Մերժեսցե՛ս, հանցե՛ս, հատցե՛ս, խափանեսցե՛ս
Եւ հալածեսցե՛ս՝ հեռի սահմանաւ իսպառ տարագրեալ
Անդարձ որոշմամբ վերստին կորստեանն,
Եւ կառուսցե՛ս, կացուսցե՛ս նպատակ կենաց եւ ամուր մահարձան
Զնշան իսաչիդ՝ ապաւինելոյս ի քեզ, փրկութիւն¹⁷:

15. Մատեան ողբերգութեան, Բան ԶԼ, Էջ 598-599:

16. ՅԱԿՈԲ ՆԱԼԵԱՆ, Գրիգ մեկնութեան այօթից..., Էջ 5:

17. Մատեան Ողբերգութեան, Բան ԶԹ, Էջ 604:

Եւ յայսմ անպարտ եւ անպատիր
Եւ անուանելի արուեստից ահաւորիդ մեծութեան՝
Լուծցին որոգայթքն զաղանածածուկք սատանայականք,
Կապտեսցին մէքենայքն, վատնեսցին գայթակղութիւնքն,
Խայտառակեսցին խաղրիցն գրութիւնք,
Յայտնեսցին երեւոյթք որոշյն,
Գոցին նենգողին ծուղակք,
Վերասցին վարմին վերարկուք,
Տոշորեսցին որոժմանցն բոյսք,
Նղոփեսցին բռնաւորին չարաբանութիւնք,
Կորեսցին լար խարէութեան ի մահ որոշին,
Պարսեսցին պատրողին բանսարկութիւնք,
Պակասեսցին զէնք զրապարողին,
Անկցին սուսերք մահարերին...¹⁸:

Այսպիսի քննադատանքը համայնապարփակ՝ հասարակական, տնտեսական, կրօնա-իրաւական, կրօնա-բարոյական, կենցաղին, գասային, ամէն բնոյթի (երբ վճռաբար ատեան են կանչւում բոլոր ոճագործները, նենգողները, բռնակալները, զրպարտիչները, կեղե-քիչները, մահ որսողները, ուսիշ ցեցերը, շոգափորթները եւ նրանց համար արժանի զատափնիոն է հաստատւում), բնականաբար չի կարող պարփակուել միջնադարեան ոչալիզմի կամ սոսկ միստիցիզմի Մջա-նակներում:

Ի դէպ հենց այստեղ մի երկու խօսք նարեկացու միստիցիզմի մասին: Յաճախ ենք կարգում կամ լսում այն մասին, թէ նարեկացին միստիկ է, նրա «Մատեան»ը միստիկական ստեղծագործութիւնն է եւ այլն՝ առանց հիմնաւորուած բացատրութեան: Այս կապկցութեամբ բացառութիւնն է միայն մեծանուն գիտնական Արշակ Չոռպանեանը: «Գործ զոր, - զրում է Չոռպանեան նարեկացուն նուիրուած իր սքանչելի ուսուումնասիրութեան մէջ, - ... ամրողջ մրրիկ մըն է, անհունի մէջ զայարուող զգացման մը եւ չեմ գիտեր զործ մը անկից աւելի զօրաւոր ըլլայ: Էջեր կան հոն, ուր մեր բանաստեղծը մարդարէներուն ուժին հաւասարած է, եւ էջեր ուր Շեքսփիրի հով մը կ'անցնի: Ամրողջ միստիկականութիւնն է այդ զործը եւ ամրողջ քնարերգութիւնն...: Վանականի քերթուած է սա, պարզ եւ սակայն ամրողջական հոգերանութեամբ մը միստիկականութեան ցաւագին վէպը...»¹⁹: Սակայն սա չէ բոլորը...: Չոսպանեանը զարմանախօրէն ձիշտ է բնութագրում նարեկացի հաւասարաշտի, անընդգրկելի, ան-շափելի հումանիզմը. «Նարեկացին այն սիոլաստիկ աստուածաբան-

18. ԳՐԻԳՈՐ ՆԱՐԵԿԱՑԻ, Մատեան Ողբերգութեան, էջ 604:

19. ԱՐԾՎԱԿ 20ՊԱՆԵԱՆ, Դէմքեր, Փարիզ, 1924, էջ 3, 11:

ներէն չէ, - գրում է նա, - որոնք յստակ սահմանումներով կ'որոշեն աստծոյ յդացումը, հանդերձեալ կեանքի մանրամասնութիւններով մարդու հոգին ու կեանքը կը բացատրէն»։ Աւելին, Չոպանեան նկատում է, որ Նարեկացին պեղում է, արտացոլում է ողջ մարդկութեան սիրան ու հոգին. «... գործը ընդհանուր եւ մասնաւոր է միանգամայն, մարդկային եւ միանգամայն անհատական, կը զգանք, որ իր վրայ խօսած առեն, բանատեղը ամբողջ մարդկութեան հոգին իր մէջ խոսացած կը տեսնէ: Ինքիմբք ինկած զգացող այդ էակը, որ բարձունելներուն աչքը յառած գրութիւն կ'աղաքէ, այդ էակը ամբողջ մարդկային ազգն է»²⁰: Աւելին հենց Չոպանեանի վերլուծումների մէջ բացառում է միստիցիզմը նեղ առումով: Նարեկացու միստիքականութեան մէջ նա տեսնում է մարդասիրութեան խորին խորհուրդը: Յիրաւի, եթէ «միստիկան կրօնական հաւատան է, այսպէս կոչուած անդրշիրմեան աշխարհի հետ մարդու կապի, հաղորդակցութեան մասին, ապա Նարեկացու «Մատեան»ում անդրշիրմեան կեանքը գոյզն ձգուում գոյութիւն չունի: Ընդհակառակը, այսուեղ կայ իրական փայփայանք, երազանք, մարդկային, երկրային եւ իրական կեանքի կատարելութեան իտէալ եւ կայ՝ տառապանք, ցաւ, սոսկում, առնջանք երկրային կեանքում իշխող անկատար, անմարդկային յարաբերութիւնների գոյութեան համար: Աւելին, եթէ միստիկական ստեղծագործութիւնների իրենից ներկայացնում է ամբողջովին կրօնական մի երկ, որն իր առեղծուածային, վերացական մզումներով պաշտպանում է սոսկ կրօնաս-փիլիսոփայական, վերացական հայեցողութիւնն, կամ մի գողտրիկ խորհրդածութիւն, որի հիմքը կազմում է հաւատը գերբնական ուժերի նկատմամբ եւ զլիաւոր հաղորդակցութիւնը, կապը Աստծու հետ, ապա Նարեկացու մէջ ցաւը, սոսկումը կապուած է մարդու ճակատագրի հետ (այսուեղ ի նկատի ունենք նաև Հայոց եկեղեցական, կրօնա-ազգային կեանքը, որ մտահոգում է հանճարեղ երգչին (այս մասին այլ առիթով):

«Մատեան»ում գլխաւորը մարդն է, մարդկային անկատար յարաբերութեան հակադրութիւնը, աստուածայինինը՝ մարդուն ազնը-ւացնելու, ուղղելու, կատարելագործելու, վերստեղծելու բացայայտ դիտաւորութեամբ: Մարդը, որին Աստուած ստեղծել է իր պատկերով ու էութեամբ, այդ մարդն ահա, իր մեղքով, իր սիսալմունքով, ընչաքաղցութեամբ, զգացականը, մարմնականը գերադասելով իմացականից, բանականից, շեղուել է ճիշտ ճանապարհից եւ պէտք է վերստին գտնի իր սահմանը, գտնի ինքն իրեն՝ ամենակատարեալի օրինակով...: Այս է ամենաէականը՝ ինչպէս նկատեցինք այլ առիթներով.

Մասս անբարձուղէց, ստուարաստեղն,
Տերեւալից՝ ունայն ի պտղոց,
Նմանակից յաւէտ հարազատ այնր թղենուոյ,
Զոր տէրն գօսացոյց.
Քանդի սաղարթաւք վարսից,
Այս է՝ արտաքին դիմաւք բարեշուք կերպից,
Իրը պսակաւ իմիք պաճուծեալ,
Բացականացն գոս բաղձալի,
Իսկ եթէ մերձնեցի տնկողն խուզել զինդրելին,
Գուցէ զքեզ ունայն ի բարեաց
Եւ զարշելի ի զեղեցկութեանց՝
Ծաղր տեսողաց եւ նշաւակութիւնք նախատողաց²¹:

Նարեկացու «Մատեան»ը կոչուած էր ջախջախելու հաւատքի քառացած, միակողմանի, սահմանափակ լըմբոնումը:

18րդ գարի կրօնական նշանաւոր գործիչները՝ Գր. Շիրվանցին, Յովհան Բաղիչեցին, Մի. Սեբաստացին, Պալտասար Դպիրը, Պետրոս Նախիջևանցին, ինչպէս նաև Յ. Նարեան, առաւել խորն ու լայն հայեացքով են նայում Նարեկացու հաւատարանութեանը եւ այն գնահատում, մեկնաբանում են առաւել նպատակային եւ ազատ դիրքերից: Ուզգափառ թէ կաթոլիկ հաւատքի նշանաւոր այդ գործիչները՝ Նարեկացու հաւատարանական խորհրներին նայում են ընդհանուր հայութեան շահերից ենելով: Նարեկացու «Մատեան»ի աստուածաբանական ուսմունքի բարոյական չափերը Հայոց ազգի միասնութեան, ինքնահաստատման, ինքնաճանաչման գաղափարներին ծառայեցնելու միտումով: Նալեանը, որքան էլ որ հետեւողական էր ուղղափառ հաւատքի ծառայութեան մէջ եւ Միկթար Սեբաստացին, որքան էլ որ հետեւողական էր կաթոլիկական զաւանանքը պաշտպանելու իր դիրքերի մէջ, այսուամենայնիւ, երկուսն էլ հաւատարաչափ ծառայում էին ընդհանուր հայութեան լուսաւորութեան, առաջադիմութեան գործին, եւ Նարեկացու «Մատեան»ը գնահատում են իրեւ եղակի գործ, որպէս սպեղանի տառապեալ հայ ժողովրդի զարաւոր վէրքերի: Նալեան այս դիրքերից է քննում, մեկնաբանում «Մատեան»ի հաւատքի հարցը: Իրական կեանքի, Հայոց աշխարհի «սեւ եւ մթին» ամպերը ցրելու, նրա «արեգակնապիսի փառս» վերակերտելու առաջին նախապայմանը, գործոն միջոցը ըստ Նալեանի, հաւատքն է, ժողովրդի կրօնական միասնութեան միաբանութեան ապահովումը: Նալեանին, իրեւ Ժ. գարի ազգային եկեղեցական-լուսաւաւորիչ, իրեւ ժողովրդասէր գործիչ, բնականաբար պէտք է (Հայոց

21. Մատեան Ողբերգութեան, Էջ 278 (Թ):

դաւանաբանական պայքարի շրջանում՝ օտար տիրակալների տընտեսական, քաղաքական ու կրօնական ձնչումների, ազգային ձուլման ահեղ վտանգի պայմաններում վեր բարձրացնէր ու հնչեցնէր քրիստոնէական միասնական հաւատքի գաղափարը, որն այնքան խոր նատուածք ունի Նարեկացու «Մատեան Ողբերգութեան» մէջ։ Հոգեւոր գործիչը ծառանում է «Մատեան»ի հիմքային այդ հարցի վրայ եւս. հանգամանօրէն մեկնաբանում, վերլուծում ու զարգացնում հաւատքի վերաբերեալ Նարեկացու անսահմանափակ, բազմակողմանի, լայն ու խոր հայեացքը։

Քանզի արդարեւ, սեռն տեսութիւն,
Եւ կատարեալ իմաստութիւն,
Եւ առ Աստուած ընտանութիւն,
Եւ բարձրելոյն ծանօթութիւն
Հաւատոց մասն երջանիկ եւ ընտրեալ անուն,
Որ յարաձեալ մնայ անվթար եւ անփակելի՝
Պատուակից գոլով սիրոյ եւ յուսոյ²²:

«Իմաստութիւնը կատարեալագոյն, մտերմութիւնը երկնաւորի հետ, ճանաչումն Աստծոյ մասն են հաւատի»։ Քրիստոնէական այսօրինակ հասկացութիւնը կարեւոր նախապայման էր ժ դարի Հայոց աւատապետական իշխանութիւնների ամրապնդման, պետական ներքին ուժերի հօգորացման, օտար ոտնձգութիւնների դէմ դասային բոլոր խաւերի միասնութիւնն ու համերաշխութիւնը, երկրի անվտանգութիւնն ապահովելու համար։ Յայտնի է, որ Նարեկացին այդ շրջանում մաքատում էր նաև թոնդրակեան աղանդի դէմ։ Այս հարցին եւս առաջին անգամ անդրադառնում է Յակոբ Նալեան... «Ով հաւատում է, նրան հնարաւոր է ամէն քան»։ Նարեկացու այս հայեացքը մի նոր ուժով բարձրացւում է ԺԲ գարում։ Նոյն խնդիրները, նոր կերպարանքով, ծառանում են ԺԲ դարի պետականագուրկ հայժողովովի առջեւ եւ նրա առաջադէմ գործիչները կենտրոնական, միասնական եկեղեցու շուրջը համախմբելու մէջ էին տեսնում յոյսի կենսատու ճառագայթները։ «Քանզի հաւատ քո կեցուցին զքեզ»։

«Ես հաւատքի շէնք պիտի կառուցեմ» – Նարեկացու հաւատքի շէնքը պէտք է նեցուկ դառնար Հայոց վերանորոգութեան շարժման։ ԺԲ դարի մեկնաբանը բացում է Նարեկացու հաւատքի շէնքի գռները, մատնացոյց անում նրա ներքին կապն ու առընչութիւնները ժամանակից իրողութիւնների հետ։ «Հաւատքն սեռն է եւ պարզ ու վճիտ տեսութիւն՝ աներեւոյթից», – գրում է Նալեան, – այն երեւու-

22. Մատեան Ողբերգութեան, էջ 283 (Ժ)։

թականացնում է Նարեկացին: Մեկնաբանը խորն է ըմբռնում «աներեւոյթ հաւատքի» տեսութիւնը...: «Հաւատն բարեաց ծնունդ է», - նկատում է Նալեանը, - «թողութիւն մեղաց», «փրկիչ կործանուղի», «կանգնեցնող գայարուղի»... «Զի ամենայն ինչ հնարաւոր է այնմ, որ հաւատայն»: Նարեկացու թեւաւոր այս խօսքի ընդերքից Նալեանը դուրս է քաշում բանական հատիկը... հաւատքը աներեւոյթ այդ սեղը երեւութականանում, տեսակաւորում է բարի գործով: «Հաւատն տեսակաւորեալ բարի գործովը, իսկ կատարեալ իմաստասիրութիւնն Քրիստոնէալիս է»:²³: Հաւատը գործն է մեծամեծ, սէրն է համայնապարփակ, իսկ «սէրն կեանք եւ տեսակ առաքինութեանց, - զարգացնում է Նալեանը, - նախ զի նովալ կատարին առաքինութիւնը, որպէս ջերմութեամբ արեգական հասունանան պառուղքն, ... զի ամենայն առաքինութիւնը շարժին առ փախճանն սիրոյն եւ սէրն միայն զրարին ունի փախճան» գործմ է Նալեանը:

Ուրեմն հաւատը սէրն է, բարի գործով արտայայտուած, երբ կայ գործ, կայ եւ սէր, կայ եւ հաւատ. «Զի հրէ սէրն ո'չ է երրիք ի դադարի, այլ գործ է մեծապէս եւ թէ դադարի ի գործելոյն ո'չ է սէր՝ որպէս հուրն շրջեալ ածուխ ասի եւ ո'չ հուր»: Այս է Նարեկացու հաւատքի բանական, իմացական խորին խորհուրդը, որ առաջինը եւ այնքան յստակօրէն մեկնաբանում է Նալեանը: Երկնային փառքի եւ երկրային «սեսու ու մթին» իրականութեան միջեւ եղած սուր հակասութիւնները, հնարաւոր է վերացնել հաւատով, գործով բարեաց: Հաւատը համայնապարփակ հասկացութիւն է Նարեկացու մօտ. այդպէս է հասկանում Նալեանը: «Հաւատն հիմն է յուսոյ», - մեկնաբանում է Նալեան: Ժ՞ զարի վերանորոգուող հոգեւոր երգերում հաւատքի նարեկացիական այս գաղափարն է իշխում: Ո՞վ յուսահատուի նա կը կորցնի իր ոտքի տակի հողը, փրկութեան յոյսը, կը կորցնի գալիքը, ապագան: Հաւատը մարդուն մօտեցնում է Ամենակատարեալին: Հաւատը՝ յոյս է, որ մզում է մարդուն կատարելութեան...: Նարեկացու մօտ հենց այս կէտից է սկիզբ առնում ու զարգանում աստուածանմանութեան խնդիրը: Նալեան հանգամանօրէն մեկնաբանում է «Մատեան Ողբերգութեան»ի հիմքային այս հարցը եւս: Այս նոյն գաղափարն է իշխում Հայոց հոգեւոր գասական բանաստեղծութեան մէջ միջին եւ նոր զարերում:

Նարեկացին մարդու վերափոխութեան, նրա փրկութեան ուղիներն է նշում՝ Ամենակատարեալի՝ Աստծոյ, աստուածացած մարդու՝ Քրիստոսի, մարգարէների օրինակով...: Հետեւաբար, Նարեկացու «Մատեան»ը ամբողջութեամբ Հայոց միջին դարերի վերածննդի գրականութեան խոշոր արտայայտութիւնն է եւ կրում է հնի զէմ պայ-

23. ՅԱԿՈԲ ՆԱԼԵԱՆ, Դիրք մեկնուրեան աղօքից..., էջ 13-14:

քարի նոր դրոշ...։ Եթէ Նարեկացու մօտ կայ միստիցիզմ՝, ապա դա քրիստոնէական հաւատքի նկատմամբ նրա ունեցած նոր անսահմանափակ ըմբռնումն է, հաւատքը լայն առումով, ինչպէս բացատրում է Նալեան, հաւատն առ Աստուած, հաւատն առ ընկերը, մերձաւորը, մարդը, հաւատը տեսակաւորեալ գործով քարեաց։ Նարեկացու «Մատեան»ի խրատքը, «յանդիմանանքն», «ինքնաղաւատնքն» ու «Եղբայրականքը», ըստ Նալեանի, Նարեկացու հանճարի, ներհեղական չնորհի, նրա աստուածային ներչնչանքի գլխաւոր յարուցիչներն են։ Այս համոզմունքով է Նալեան մեկնարանում «Մատեան»ի կրօնական, աստուածաբանական, փիլիսոփայական, պատմական, գրական, դիցաբանական նիւթերը՝ ներդաշնակելով Ժլ դարի Հայոց վերանորոգուող կեանքի պահանջներին։ Նալեանի մօտ քարացած, կաշկանդիչ օրէնքներ, կաղապարներ ու սահմաններ գոյութիւն չունեն։ Բացատրուելիք կրօնական եւ աշխարհային նիւթերը արշեստականօրէն, բռնի կերպով չեն անջատուում կամ միացւում, այլ երկուստեք ներկայացւում են անհրաժեշտաբար, միածոյլ, նպատակադիր եղանակով։ բռն կրօնական, աստուածանչային հարցերի մեկնարանութիւններին յաճախ յաջորդում են մարդկայինը, հասարակականը, իրականը, առարկայականը, գիտականը, բարոյական բնոյթի քաղուածքներն ու մեկնութիւնները, բացատրութիւնները։ Դժբախտաբար նիւթի շրջանակները թոյլ չեն տալիս լայնօրէն բացելու այս հարցադըրման փակագծերը։ Ցիշենք մի քանի օրինակ միայն մասնակի գաղափար տալու Նալեանի մեկնութեան ոճի մասին։ «Մատեան Ողբերգութեան» Զ գլխի՝

իսկ արդ, զի՞նչ բարւօք գոյ առ այս,
Եւ կամ ո՞ր օգուտ ինձ առ սոյն՝
Զայս սահման ընթացից ձայնիս հեծութեան լքանել,
Եւ ոչ զամբարեալ շարսւ մահացու վիրիս
Խարանաւ բանիս արտաքս հերքել
Եւ կամ զծանրութիւն սրտիս մթերեալ ցաւոյս հոգեկան խիթոյս
իբր տաղտկացուցանողական հնարաւորութեամբ,
Մատնամուխ զգուանաւք փսխել²⁴։

Այս տողերի բռն իմաստը պատշաճօրէն մեկնարանելուց յետոյ (թէ ինչ շահ եւ օգուտ ողբ ու հեծեանքից, որ վհատուեմ եւ դուրս չթափեմ մահացու վէրքիս թարախը եւ այլն), Նալեանը դարձեալ դիմում է Դ. Անյաղթին։ «Մինչեւ խոտանն ո՛չ արտաքսեցի, օգտակարն ո՛չ ներս մտանէ, որպէս ասէ Դաւիթ փիլիսոփայն... նախ զիտոտանն ի բաց ձգէ

24. Մատեան Ողբերգութեան, էջ 266 (2)։

եւ ապա զիւրն օրինադրէ, որպէսզի շահաւէտն եւ օգտակարն ամենեցունց յայտնի լիցի. այսպէս բժիշկքն նախ զապականեալ հիւթն արտարերել տան եւ մաղձն փոխել...»²⁵: «Մատեան»ի ծօրդ գլխի վերջին հատուածի՝ «Թանգի կամելով ուժգինս ընթանալ՝ ընկլայ սաստկապէս» տողի բուն մեկնութիւնը տալուց յետոյ, Նալեանը գոռում է. «Այսինքն, կամելով ի խորս իմաստութեան ուժգինս ընթանալ, ընկլայ եւ գլորեցայ սաստկապէս. եւ այս յայնժամ լինի, յորժամ ոք ի փոքր սատիճանն իմաստութեան ոչ քայլափոխելով՝ կամիցի ի գլուխն ելանւել, ընդդէմ որոց ասէ Դաւիթ փիլիսոփայն Սահմանաց ԺԴ գլուխ (պէտք է լինի ԺԴ գլուխ) թէ ո՛չ է պարտ ամենեւին ի նիւթականացս ամենեւիմբ յանհիթականսն մատչել, ապա թէ ոչ զնմանսն կրեմբ այնոցիկ, որք բազում ժամանակս յաղջամդին տեղւող կացեալ, այն ինչ ինչ առ արեգակն հայել ձեռնարկեն, որք նոյնժամայն կուրանան, զորս առարկելով քերթութիւնն վասն Խսոսսի եւ Եփիալոսսի, որք զՍոսայ լեառն ի վերայ Ոլոմպիոսի յօժարեցան դնել, զի երկինն ճեմարան եղիցի. որ նշանակէ թէ առանց ուսումնականին, այսինքն յամենեւին ի նիւթականէն առ յամենեւին աննիւթականսն ձեռնարկեցին»²⁶: Ճիշտ է Դ. Անյաղթից մէջրերուած լրացումը, բայց որքան կարեւոր է հենց այն հանգամանքը, որ Նալեան իմացականական ուղիդ գիծ է ստեղծում Դ. Անյաղթի եւ Նարեկացու միջեւ, որ առհասարակ իր մեկնութիւնները հիմնաւորում է ճշմարիտ փիլիսոփայութեան եւ զիտութեան նշանաւոր գործչի երկերից համապատասխան քաղուածքներ բերելով: Նալեան անվերապահօրէն ընկունում է Դ. Անյաղթի այն հայեացքը թէ չի կարելի նիւթականից անցնել ամբողջութեամբ աննիւթին: Այսինքն չի կարելի առանց մաթեմատիկայի բնագիտութիւնից բարձրանալ դէպի սատուածարանութիւն: Նալեան Նարեկացու նոյն տողի բացարութիւնը լրացնում է նաեւ յիշելով կրիայի մասին ժողովրդական յայտնի զրոյցը: Կրիան երկու ամիս շարունակ չարչարւում է ծառը բարձրանալու համար եւ ընթացքի ժամանակ գլուխում, վայր է ընկնում. «անիծեալ փութութիւն», - դժբոհում է կրիան իր շտապողականութեան համար: ԻԱ գլխի «Եւ զիա՞րդ սասցից անձին իմոյ մարդ» տողը, Նալեան սեղմ, ճիշտ բացարելուց յետոյ («Այսինքն զիւրդ զանձն իմ մարդ սասցից, որ տմարդի եւ ապերախս եմ առ բարերար»), - անում է նաեւ մի նոր ընդհանրացում, որ բնաւ անտեղի չէ. «զի ճշմարիտ զերախտիս բարեկամին ճանաչէ»²⁷, - որով առաւել քան խորացնում է Նարեկացու տողի մեկնութիւնը եւ ապա նոյն զալափարը հաստատում է ընթերցողի մէջ Պղա-

25. Յ. ՆԱԼԵԱՆ, Գիրք մեկնութեան աղօրից..., էջ 441:

26. Անդ, էջ 411:

27. Անդ, էջ 148-149:

առնիվ եւ Արիստոտէլի կեանքի հետ կապուած մի կենդանի օրինակով։ «Եւ որպէս կոչեցայց տեսողական» եւ այլն տողի մեկնարանութիւնից յետոյ, («Այսինքն, որպէս կոչեցայց մտաւոր եւ իմացական, որ ո՛չ ունիմ զլոյս մտաւ հայիլ ի սքանչելիս օրինաց քոց»), Նալեանը յիշում է Եղիշէ պատմագրի համապատասխան խօսքը՝ «Զի լաւ է կոյր աչօք, քան կոյր մտօք եւ լաւ է զթել ոտամբ, քան թէ զթել ունկամբ, - ասէ Եղիշէ վարդապետն»²⁸։ «Մատեան»ի իթ զլիի այն տողը, թէ՝ «Ով ոք կատարեաց չարիս եւ զինքն ո՛չ նզովեաց», Նալեանը բացատրում է թէ՝ նզովելը այստեղ կրօնական հասկացողութեան հետ կապ չունի. «Նզովելն է բաժանել ի հազորդակցութեան եկեղեցւոյ եւ ի խորհրդոց նորա», խոկ աստ, - շարունակում է մեկնիչը, - նզովել զինքն նշանակում է «նեղապէս առեալ է բաժանել զինքն յինքենէ ըստ պանմամբ», եւ ասվա մէջ է բերում դարձեալ Դ. Անյաղթի «Սահման»ի Գրդ զլիի այն պարբերութիւնը, որ իրապէս լրացնում, լուսաբանում է Նարեկացոյ տողի միտքը։ Ի վերջոյ Նալեանը այն վերջնական եղբակացութեանն է յանգում, թէ նզովելն Նարեկացու մօտ ինքն իրեն անիծելն է, ինքնամբուակումը, ինքնածեծումը, ինքնախարազանումը. «Բայց աստ նզովելն է զինքն անիծաբանել. այսպէս ասի թէ գայլն մինչ վաստակեալ ի ճանապարհին յոդնի եւ ոչ կարէ ընթանալ, սկսանի զոտս իւր խածատել զի ժրացուցէ»²⁹։ Նալեանն իր մեկնութիւններով, առաջին անգամ բացայաշտում է Նարեկացու «Մատեան»ի պատմական աղեքսները. ԾԶ զլիի «կայսր ոգեկործան» բառերի բացարութիւնը տալիս է լիովին պատմական փաստերի հիման վրայ։ Հստ Նալեանի Նարեկացին ի նկատի է ունեցել՝ «Դեկոս, Դիոկղետիանոսու, Մաքսիմիանոս, Կոստանդինոս արիոսկանն, Յուլիանոս ուրացող, Վաղէս... որք ոչ միայն իւրեանց կորստեանն, այլեւ բազմաց կորստեանն պատճառք եղեն. զայսպիսեաց ասէ Եղիշէ պատմագիրն, թէ թագաւոր անիրաւ ո՛չ միայն զիւր համարն տացէ, այլեւ որոց պատճառ եղեւ կորստեան։ Իկ այլաբանութօրէն «կայսր ոգեկործան» է սատանայ»։ Նալեանը պատմական, իրական փաստերով է բացատրում նաեւ «իշխան տիրագաւ»։ «Պատաւոր ակտնառու» եւ այլ բառերի կապակցութիւնները: «Իշխան տիրագաւ, - գրում է Նալեանը, - այսինքն իշխան տիրանենդ, այսպիսիք էին իշխանքն Հայոց, որ զսուրբն Տրուափիս մահաղեղօք սպանին եւ զԱրտեւան արքայն՝ Պարսից թագաւորին մատնեցին ի ժամանակս մեծին սրբոյն Խսահակայ»։ «Դատաւոր ակնառու, ըստ այնմ մինչեւ յե՞րբ գատէք անիրաւութեամբ եւ ակն առնուք մեղաւորաց...»³⁰:

28. Անդ, էջ 149:

29. Անդ, էջ 216:

30. Անդ, էջ 421:

Հենց այստեղ մենք ցանկանում ենք անզրադառնալ հայագէտ-նարեկացիագէտ Վազգէն Գէորգեանի «Մատեան Ողբերգութեան» պոէմի աշխարհաբար թարգմանութեանը կից «Յետաղարձ հայեացք» խորագով ուսումնասիրութեան մէջ տեղ գտած մի հարցի՝ նախապէս մէր երախտագիտական խօսքը ուղղելով մեծարգոյ թարգմանչին, նրա կատարած տիտանական աշխատանքի համար: «Մատեան Ողբերգութեան» լրկի նախորդ մեկնիչներն ու թարգմանիչները, - գրում է նա, - լինելով բարձրաստիճան հոգեւորականներ, նարեկացու ստեղծագործութեանը նայել են սոսկ այդ հայեացքով: «Ողբերգութեան մատեան»ը դիտել են միայն որպէս աղօթագիրք եւ անգամ վերանուանել այն՝ «Նարեկ աղօթից» «Աղօթամատեան» եւ այլն... Գ. Աւետիքեանի մօտ օրինակ, - շարունակում է Վ. Գէորգեանը, - «Գրեթէ չկայ մի արտայայտութիւն, որին անվերապահօրէն վերագրած, պատուաստած չլինի կրօնական իմաստ, կապած չլինի այն դաւանաբանական որեւէ հասկացութեան հետ կամ դիտած չլինի որպէս հոգեւոր այս կամ այն դոգմայի խորհրդանիչ³¹: Մենք չենք կարող մտածել, թէ մեծարգոյ թարգմանչին անծանօթ է նալեանի մեկնութիւնը. անկախ այդ բանից, մէր կարծիքով բոլոր թարգմանիչներին ու մեկնիչներին հասցէագրուած այդ մեղադրանքը խիստ է, եւ անշուշտ ժամանակն է կաշկանդել այդ տողերի հեղինակին...:

Նալեանի եւ Աւետիքեանի կողմից կրօնական նիւթի վրայ շեշտը գնելու հարցը այդպիսի եղրակացութեան պէտք չէ յանգեցնէր...: Այո, Նալեան հաւատքի դիրքերից է փարւում Նարեկացուն. ինչպէս նկատեցինք արդէն, զա պատճառաբանուած է պատմական հանգամանքներով. Նալեան նոյն դիտաւորութեամբ է փարւում նաև յունահոռմէական գրականութեան...: Հաւատքի հարցն է այն հանգուցակետը, որտեղից Նալեանը կամուրջ է նետում Նարեկացու եւ Ժ՛լ զարի միջիւ: Նալեանը չի թաքցնում իր նկատառումները, կրկնում ենք, այդ էր պահանջում դարը, ժամանակը, «Ծծանի՛ք եւ զայս, ո՛վ Ճերմեռանդ ընթերցօգք, զի ի մէջ գրքոյ»՝ մէք եւ բազում վկայութիւն ի Յունաց եւ ի Լատինաց գրեանց ընդ պատեհին առեալ եմք, մի՛ ոք ի տեսանելն իբրափի, - բացատրում է Նալեան, - զի զոմանս առեալ եմք ընդունելով, որք ոչ են ընդդէմ հաւատոյ եւ բարի գործոց եւ զոմանս իբրեւ ի հաստատութիւն ճշմարիտ դաւանութեան Հայաստանեաց եկեղեցւոյ, որպէսզի եւ ի նոցայցն գրեամբք հաստատեացի ճշմարտութիւն սրբոյ եկեղեցւոյս Հայոց»³²: Այս միտքը Նալեան կրկնում է նաև «Բանալի այրբենական ցանկի գրքոյս» խօսքում

31. Վ. Գէորգեան, «Մատեան Ողբերգութեան», աշխարհաբար թարգմանութիւն, «Յետաղարձ հայեացք», Երեւան, 1979, էջ 602:

32. Յ. ՆԱԼԵԱՆ, Գիրք մեկնութեան աղօթից, էջ 16:

եւ «Ազդեցութիւն առ ընթերցօս» խորագիրը կրող վերջաբանում՝ «ծանի՛ր եւ զայս, զի ի մէջ ամենապտուղ բուրաստանիս, մեք եւ ի կուսպաշտ փիլիսոփայից (որպէս ի Պղատոնէ, յԱրիստոտէլէ եւ այլոց) վկայութիւն առաք՝ զոմանս վասն եղծելոյ, եւ զոմանս առ ի վկայութիւն ձչմարտութեան մերոյ կարծեաց՝ թէ բնականաց եւ թէ գերբնականաց»³³: Բացի գրանից այդ հանգամանքը պէտք է բացատրել ոչ թէ նրանով, որ նրանք բարձրաստիճան հոգեւորականներ են, այլ նրանով, որ մեկնաբանուող երկը, անկախ նրանից թէ այն, «Մատեան Ողբերգութեան» կոչել, թէ «Ազօֆագիրք»՝ կրօնական ստեղծագործութիւնը է՝ լայն առումով: Եթէ ժ դարի հանճարեղ բանաստեղծ վարդապետ ի խորոց սրտէ խօսում է Աստծու հետ, նրան է նուիրում «աստուածաշունչ» իր երկը՝ իրաւունք ունէր «Գեղ կենաց» եւ յաճախ այն կոչում է նաեւ ազօթքի կամ ազօթքի ձեւով ներկայացուած մի մատեան, «ի գէմս ազօթից այսու մատենիւ...» եւ որ դեռ բանասիրութեան համար էլ վերջնականապէս պարզուած չէ խորագրի հարցը, ապա ԺԷ դարի մեկնիչը իրաւունք ունէր «Գիրք ազօթից» կամ «Ազօթամատեան» կոչել այն... բացի գրանից: Մի կողմ թողնելով դաւանաբանական հարցերում նալեանի եւ Աւետիքեանի տարահայեացութիւնը (այդ էր թելագրում ժամանակը), նրանց կրօնական նշանաւոր գործիչներ, «աստուածաբաններ լինելու հանգամանքը», ո'չ թէ վնասել, այլ՝ ընդհակառակը, օգնել է, որպէսզի ճիշտ մեկնաբանուեն ժ դարի հանճարեղ կուսակրօն բանաստեղծի մտքերը: Ինչ վերաբերում է մեկնաբանութիւնների մէջ նրանց միակողմանի լինելուն, ապա, զա բնաւընդունելի չէ: Դրանում համոզում են, թէ կուգ վերեւում մէջ բերուած օրինակները...: Աւելին եթէ նալեանը «Մատեան»ը գնահատում է իրեւ աստուածային եւ մարդկային իրողութիւնների գիրք, եթէ նա ուղիղ գիծ է տեսնում «Մատեան»ի եւ Դ. Անյաղթի «Սահմանք»ի միջեւ, ապա նշանակում է, որ նրա մտածողութիւնը սահմանափակ չէ: Ժ-Ի գարերի նշանաւոր ներկայացուցիչներից եւ ոչ մէկը չի ժխտում «Մատեան»ի աստուածաշնչային հիմքի գոյութեան փաստը: Դրանով դոյզն չի իջնում «Մատեան»ի արժէքը: Բայց գրա հետ միասին կայ նաեւ գիտութեան, փիլիսոփայութեան հիմքերի առկայութիւնը: Պէտք չէ մոռանալ նաեւ, որ նալեանը եւ Աւետիքեանը «Նարեկ»ը մեկնելիս, բնականաբար, շեշտը դնում, ծանրանում են յատկապէս մեկնաբանութեան կարօտ, բարդ, անծանօթ, դժուար իմանալի արտայայտութիւնների վրայ, որոնք գերազանցապէս աստուածաբանական իմաստ կամ ծագում ունեն, առընչւում են Աստուածաշնչի, աւետարանական նիւթի հետ, սրբերի, մարդարէների, առաքեալների, հրեշտակների, Քրիստոսի, Մարիամի կեանքի, վարքի, գործի հետ: Բայց գրանց

հետ միասին, կան նաեւ հայ եւ օտար իմաստասէրներ, գիտուններ: Եթէ Նալեանն իր մեկնութիւնը ծանրաբեռել է «յայլ խօսս վարդապետականս կամ բանասիրականս», ապա ինչպէս նկատեցինք, հենց դրանով նա հետամուտ է եղել Նարեկացու փիլիսոփայական, գաղափարական մտքի սլացումների անհուն ընթացքին: Սակայն Նալեանը կանգ չի առել այդ կէտում, ինչպէս տեսանք եւ դեռ կը տեսնենք: Անմիջական ու ոչ անմիջական եղանակով Աստուածաշնչի եւ իրական կեանքի, աստուածային եւ մարդկային իրողութիւնների կապն ու յարաբերութիւնները ելակէտ ունենալով՝ Նալեան գծել է այն ուղիները, որոնք միացնում են Նարեկացու կրօնական եւ աշխարհային, երկնային եւ երկրային ըմբռնումները: Եթէ Նալեանը Նարեկացուն անուանում է երկրորդ Պրոմիթեւս, որ աստուածային կրակը նուիրում է մարդուն, ապա զա նշանակում է, որ Նալեանը ըմբռնել է Նարեկացու «Մատեան»ի խորին խորհուրդը՝ լոյսը, ազատութիւնը, կեանքի կրակը բոլոր բանականներին վերադարձնելու նրա պատգամի չութիւնը³⁴: Եթէ Նալեանը Նարեկացուն նմաննեցնում է մերթ Դեմոկրիտին, որ ծիծագեցնում է, մերթ Հերակլիսին, որ լացացնում է... ապա զա նշանակում է, որ Նալեանը խորապէս գնահատում է Նարեկացու արուեստի իրական ներգործութիւնը, տեսնում է նրա գեղագիտութեան կենարար ցոլքի առկայցումները...: Նարեկացու «Մատեան»ն ամբողջութեամբ Նալեանը զիտում է իրեւ աննախատիպ երեւոյթ, բանաստեղծի «բնականի», «կրօնականի», «ներհեղականի» մի անօրինակ միութիւն, մի կուռ, անձեռակերտ հիւսուածք: «Արդ, - գրում է Նալեան, - եթէ իմաստութիւն սրբոյն Գրիգորի միայն բնական եւ կրթական իցէր՝ եւ ո՛չ եւս ներհեղական, թէեւս կարէին ոմանք նմանեցանել բանից սորա զրանս իւրեանց աղօթից. այլ մինչ չկարացին քաղցրութեան սորին իմաստութեան հաւասարել, ցուցին զսորայն գոլ ներհեղականն ի բազմաց եւս տեսեալ եմք յարմարեալ զազօթն, այլ ո՛չ քաղցրութիւն բանից Սրբոյս Գրիգորի...: Բազումք կամեցան իրեւ զՓայուսիանոս նմաննեցուցանել զաղօթական բանս եւ զիմաստութիւն իւրեանց սրբոյն Գրիգորի եւ մնացին յետնեալ, որոնց բանքն համեմատեալք բանից նորա, էին իրեւ զԿիպրոսի անդամանդսն, առ իսկական անդամանդսն Հնդկաց»³⁵: Այսպէս է զնահատում Նալեանը Նարեկացու հանճարը՝ բնականի, ստացականի հետ միասին նրա աստուածային ներհնչանքի յատուկ ոյժն է ներհեղական, ինքնաստուր, ինքնարբուս չնորհը, բանաստեղծական բացառիկ քանքարը, որ ունի նա եւ ոչ այլ ոք...: Հստ Նալեանի ո՛չ ոք չունի Նարեկացու արուեստի կենսամանաչողական հզօրութիւնը: Ո՛չ ոք չզըս-

34. Անդ, էջ 11:

35. Անդ, էջ 6-7:

նուեց Նարեկացու բանաստեղծական ճաշակին ու ոճին արժանահաւ-
հաւասար: Նրա եսի, հոգու մէջ արձագանգ ստացաւ տիեզերքը, երկ-
նային եւ երկրային իրողութիւնները՝ միաժամանակ. Նալեան զգում
է Նարեկացու ողբի ընդհանրացուած մագնիսական ոյժը. «որ իրքի
զանմեղ տատրակ զման մեղաց այլոց սպազով ոդրայր եւ եղանակ լա-
լոյ ուսուցանեք՝ թէ զկորուսեալ բարին որպէ՛ս գտանելի է եւ զչունե-
ցեալն որպէ՞ս ստանալի է... Եւ ես սահմ, առանց աղօթական եւ զրդ-
շական բանից սրբոյն Գրիգորի՝ ցամաք են աղրիւրք արտասուաց»³⁶:
Այսպէս է գնահատում Նալեանը Նարեկացու ողբի ընոյթը, նպատա-
կը, նրա փիլիսոփայութեան ներգործութեան չափը, առարկայական
աշխարհի, արտացոլման, մարդու իմացական եւ զգայական յատկու-
թիւնների արտաքրման խորութիւնը:

Ինչպէս արդէն գրել ենք Պաղտասար Դպրի ողբական բանաստեղ-
ծութեան առընչութեամբ (տե՛ս «Բազմավիշտ», 1986, էջ 202-235),
Նարեկացին ինքն է բնորոշում, բացատրում իր ողբի, իմաստն ու
էութիւնը, նպատակն ու գերը: Նալեան գեղագիտը խորապէս հասկա-
նում է նրան: Նարեկացու ողբը յորգուրում է բանական արարածին՝
իմանալու թէ ի՞նչպէս գտնել կորցրածը, ի՞նչպէս ետ ստանալ, ի՞նչ-
պէս ձեռք բերել չունեցածը, «Քանզի ի՞նչ շահ եւ ի՞նչ նպատակ...՝
գրում է Նարեկացին, - եթէ ողբը գուրս չթափի ծանրութիւնը վիշտ
ու ցաւերիս ...»: Նարեկացին գեղագիտորէն սահմանում է ողբի
իմացական նշանակութիւնը: Յիրաւի, ԺԼ զարի ողբի եւ սթափման
բանաստեղծութեանը առաւելապէս բնորոշ է հենց այդ գիծը...»

իսկ արդ, զի՞նչ բարօք գոյ առ այս,
եւ կամ ո՞ր օգուտ ինձ առ սոյն՝
Զայս սահման ընթացից ձայնիս հեծութեան լքանել,
եւ ոչ զամբարեալ շարաւ մահացու վիրիս
իյարանաւ բանիս արտաքս հերքել (Բան Զ):

Նալեանը ե՛ւ իր ներածութեան, ե՛ւ մեկնաբանութեան մէջ բացո-
րոշում է Նարեկացու ողբի կենսական շեշտը, մարդու ցաւը պատմե-
լու, վէրքը բուժելու, նրան բարոյապէս վերակերտելու, վերաստեղ-
ծելու, նրան ի նորոյ նորոգելու նպատակը. «Տայցէ սիրս նոր եւ հո-
գի նոր նորոգեսցի փորի իմում», - մեկնաբանում է Նալեանը...:
Սուրդը, ողբը, զջումը մեծ նշան է «ողորմութեան եւ կատարելու-
թեան»:

Նալեանն իբրեւ նարեկացիագիտ ազատ, անկաշկանդ հայեցքով
ընդգրկում է Նարեկացու «Մատեան»ի արուեստի անհուն տարածքը
եւ գնահատում նրա փիլիսոփայութիւնը, նրա աստուածաբանական

կենսափիլիսոփայութիւնը՝ նրա աղօթք-բանաստեղծութիւնը դարերի պատմութեան մէջ. «Իմաստափիլութիւն սրբոյս Գրիգորի էր արզարեւ ճրագ յաշտանակի. ճախարակ նորաքայից, - գրում է Նալեան, - ցուագ մեղաց ծերացելոց, գաւազն դիւահալածից, գաստիարակ ապաշ-իստրողաց, մանանայ տեսականաց, հայելի զարատ իւրեանց նշմարո-ղաց, օշինդր զզջացելոց, յուսադրութիւն մեղաւորաց..., խարսոց ժաքրիչ ժանգից մոլութեանց, կամնասայլ թօթափիչ ցորենոյ կեղե-ւանց, գեղհատիկ հապից՝ արտաքսիչ մաղձից զառնութեանց... ինար տասնաղի դիւաց հայածման, ամաղաղ ձայնատու առիծոյ սարս-ման, մագնիս երկարաբարշ աստուածայնոյ գրութեան... կարի վիմահալ սրտի խստութեան, ձայնատու բարբառ ապաշխարութեան, հաստատուն պահող զառաքինեանց կեան, ներկայ խօթութեան գեղ ապաքինման, յապագայից զգոյշ աչք ի բաց պահապան»³⁷: Աւ-րեմն Նարեկացու «Մատեան»ը հայելի է, ուր ամէն մի մարդ կարող է տեսել իր արտաները, մի երկ, որ զգաստացնում, սթափեցնում, զգուչացնում է բնական արարածներին ճիշտ հասկանալու կեանքը, երկնային և երկրային աշխարհներն իրենց միասնութեան մէջ, ի-րենց հակասութիւններով եւ ներդաշնակութիւններով... միաժամա-նակ հայ հանճարը զգուչացնում է բանական գոյին գալիքը, ապա-գայի համար, զինում է նրան անցեալը ճիշտ գնահատելու, ներկան և գալիքը ճիշտ հասկանալու իմացականութեամբ: «Ներկայ խօթու-թեան գեղ ապաքինման, յապագայից զգոյշ աչք ի բաց պահապան»: Այսպէս եւ Նարեկացուն հասկանում Ժ. զարի մեկնարանը եւ ճիշտ է հասկանում³⁸: Բարոյագիտական, մարդասիրական նարեկեան այս համայնապարփակ կիլիսոփայութիւնը, ըստ Նալեանի, բանաստեղծը արտարերում է ողբով, զզջմամբ, ապաշխարանքով, աղերսանքով եւ քննադատանքով, իրատանքով՝ զզացմունքների, տրամադրութիւն-ների բանաստեղծական գունագեղ, անօրինակ պատկերների հիւս-ուածքով: «Քմահ մեղաց այլոց» իր անձի, իր եսի միջոցով արտա-բերելով: Նալեանը նկատում եւ շեշտում է Նարեկացու արուեստի նորարական այս գիծը, ըստ նրա «Նարեկ»ը հոգեւոր բանաստեղ-ծութեան ալօթքի այն բարձունքն է, որին նուածել է Նարեկացին և ոչ ոք նրանից առաջ եւ յետոյ:

Նարեկացու «Մատեան»ի նայեանական մեկնութիւնը տարբեր-ում է մնացած մեկնարանութիւններից ու լուծմունքներից նաեւ իր բանաստեղծական հատուածներով: Նալեան իր մեկնութիւնը, ինչպէս ո՛չ ոք, ուղեկցում է քննարական բազմատեսակ կտորներով, որոշ հատուածներ, մեկնում է լրիւ կամ պակաս չափով՝ սոսկ բանաստեղ-

37. Անդ, էջ 11:

38. Անդ, էջ 7:

ծութեամբ, իսկ 80րդ գլուխը համառօտարար մեկնում է չափաբերուած: Ուրեմն ինչ-ինչ չափով Նալեան նարեկացու նաեւ բանաստեղծմեկնարանն է: «Մատեան»ի մասամբ նաեւ ճառերի եւ ներբողների բազմաթիւ կէտերի մեկնութիւնը, վերլուծութիւնը նա առաջ է վարում բազմատեսակ, բազմաձեւ, քնարական՝ պարզց բարդ, զասականից ժողովրդական բնոյթի տարբեր չափի ու մեծութեան եւ այլ հեղինակների բանաստեղծութիւններով: Ընթերցողը ամէն վայրկեան զգում է թէ ինչպիսի ծանր ու մեծ, անասելի գժուարին ու պատասխանատու գործ է յանձն առել բանաստեղծը: «Մատեան»ի մեկնութեան մէջ սիռուած բանաստեղծութիւնները բաժանում են երեք կարգի: Առաջինը այն բանաստեղծութիւններն են, որոնք մեկնութեան բաղկացուցիչ մասն են կազմում կամ լրացնում, եզրափակում, ամբողջացնում են մեկնութիւնը: Երկրորդը՝ բանաստեղծական այն կտորներն են, որոնք մեկնաբանութիւնից յետոյ հեղինակի՝ երգչի խօսքը, վերաբերմունքն են յալտնում՝ ուղղուած նարեկացուն: Իսկ երրորդը՝ այլ բանաստեղծութիւններից քաղուած կտորներ են, որոնցով լրացնում են «Մատեան»ի այս կամ այն խօսքի բացատրութիւնը: Գեղեցիկ եւ ազգու են յատկապէս սրբերին, մարդարէներին, առաքեալներին, Աստուածամօրը նուիրուած մեկնաբանութիւններին կից բանաստեղծական կտորները: Դրանք 18րդ դարի հոգեւոր քնարերութեան նորատիպ նմոյշներ են՝ յօրինուած խորն ներշնչանքով ու աւիւնով: Նարեկացու Աստուածածնին նուիրուած ընդարձակ ներբողը մեկնաբանող եզրափակիչ բանաստեղծութեան մէջ (Բանք 82) Նալեան արտացոլում է իր ժամանակը, արտայայտում է իր ժողովրդի ակնկալութիւնները, երազում է՝ լոյս գալիք, նոր կեանք, իր տառապէալ ազգի համար: Եթէ դու, դիմում է բանաստեղծութը Մարիամին, ականատես ես այս բոլորին՝ ինչ կատարում է, եթէ դու հոգելից մայրն ես ամէնքի, լսի՛ր դատապարտուած իմ ժողովրդի ձայնը, փրկիր նրան վերահաս աղէտից.

Թէ ի մահ մատնեալս, ո՛վ կենդանի լոյս,
Փրկես որ ես ինձ՝ ասլաւէն եւ յոյս,
Թէ զողը հեծութեանս հատցես ի հոգւոյս,
Կամ զաշացըս լաց՝ բերկրութեան ես լոյս,
Թէ ըզիսորտակեալս՝ կազդուրեալ հաստես,
Ըզդեղ կենաց գոլդ՝ այնու հշմարտես,
Թէ ի կործանեալ՝ հոգիս ակնածես,
Հոգելից ես դու եւ ականատես³⁹:

Առաքեալներին, սրբերին, նահատակներին նույիրուած մեկնողական բանաստեղծութիւններում նոյնչափ խորն են դրսեւորւում Նալեանի կրօնա-ազգային յոյզերն ու տրամադրութիւնները: Բանաստեղծ մեկնարանը Նարեկացիական անհամատեղութեան ոգին, քըն-նադատանքը գործադրում է իր գարի, «առիւծ գեւերի» դէմ մաքառելու համար: Հզօր եւ անմարմին սրբերի օրինակներով, (որոնք նահատակուել եւ անմահացել են), Նալեան ոգեկոչում է ժամանակակից սերունդներին՝ գօտեպնդելու մաքառողական պայքարի ելնելու անիւծ գեւերից պաշտպանելու համար:

Դուք որ հըզօրք եւ անմարմինք սրբացօղք,
Ի ձէնջ գտան յոյժ բազմութիւնք մեղանչօղք,
Մեք, որ տըկար հողանիւթեայ ծանրացօղք,
Ո՞րպէս լինիմք առիւծ գեւերն դէմ կացօղք:
Ընդ ազարեանց ոչ եմք մըտեալ ի հընոց,
Բայց շուրջ ունիմք վառեալ ի մեկ մեղաց բոց,
Թօֆակիցէք ըզհուրն ի մերըս հովոց,
Յօդեալ ըզչնորհ էին, որ սուրբն է սրբոց...
Մեք եմք սովեալ ձերումըդ սուրբ գիտութեան,
Ի անկեալ ի զուր զիւաց եղեալ եմք կոխան,
Որք մըռնչեն թէ զո՛ ի մէնջ ի կուլ տան,
Մեզ օգնեցէք տալով ըզլոյս ազատման...⁴⁰:

«Մատեան»ի ութուններորդ գլուխը, ինչպէս նկատեցինք, Նալեան ամբողջական մեկնարանում է տաղաջափորէն: Նարեկացիագէտը այն գնահատում է իրբեւ «բազմազիմի զովասանութիւն եւ աղելս» նույիրուած միայն Աստուածամօրը, որտեղ նա առաւել յատակ բացուշում է նարեկեան յոյսի խորհուրդը, «որ յուսահատի զիրկութենէ իւրմէ, կորուսանէ զհաւատն, որ է հիմն յուսոյ: Իսկ զիմել սրբոյ Գրիգորի ի բարեխօսութիւն Աստուածանին, է յայտնի նշան յուսոյ»⁴¹: Այլ ճանապարհ չչոր կարող տեսնել իր ժողովրդի ցաւակից գործիչը. այս եղանակով է նա բարձրացնում ազգի մարտական ոգին, ոյժ եւ կարողութիւն ներշնչում. «անկեալ ի զուր զիւաց կոխան» իր ժողովրդին: Նալեանը տարակոյս չունի թէ Նարեկացու «Մատեան»ի լաւատեսական, կենսաշռնչ ոգին վճռական դեր պիտի կատարէր հայութեանը անկման եղրից ետ գարձնելու գործում.

Բարձրասցի յաւէտ պատիւ քո ինեւ,
Եւ ցուցցից հանրից փրկութիւնն իմ քեւ,

40. Անդ, էջ 626:

41. Անդ, էջ 609:

Եթէ զիս գտցես, ո՞վ դու բարկ արեւ,
 Հանցես ի մեղաց զանկեալ ի սոսորեւ...
 Եթէ ըգհարթեալս՝ յոստոց բարութեանց,
 Ոռոգես կաթամբն որ ի քոյդ ըստեանց,
 Սիւն հաստատ կանգնես ներ երկուց անկեանց,
 Երջանիկ դու մայր՝ սիրոյ գթութեանց...
 Թէ ինձ գթասցիս՝ լուծիչդ անկածից,
 Եթէ ըգդիեալս յայեաց արկածից,
 Առ որդիկ հաստես՝ կանգնիչն անկածից,
 Հանգիստ եւ փրկանք՝ դու ես անկարծից...
 Թէ վասն իմ մտցես ի հանդիս մարտի,
 Ի քէն նահանջեալ՝ մահն իմ եւ պարտի,
 Թէ զիս անուշես՝ հոգւովդ հանդարտի,
 Դառնութիւն սրտիս՝ չուտով աւարտի...⁴²

Բանաստեղծութիւնների երկրորդ խումբը, որ զգալի թիւ են կազմում, առաւել արժէքաւոր են: Դրանք բացառապէս վերաբերում են Նարեկացուն եւ «Մատեան»ին: Սրանք երբեմն ուղեկցում կամ եղրափակում են մեկնաբանուող գլուխները, երբեմն էլ զրում են չափարերուած մեկնութիւններից անմիջապէս յետոյ՝ իբրեւ յատուկ խօսք, ներբող, ուղղուած բանաստեղծ Նարեկացուն կամ գնահատութիւն՝ ներբող «Մատեան Ողբերգութեան» երկին:

ԱԱ զիսի մեկնութիւնը, որ աւարտում է «Ով անարտա, պարզ հայելի եւ վճիտ» սկսուածքով, Նալեանն աւարտում է այլ չափի հինգ տասնոց մի բանաստեղծութեամբ, ուր յայտնում է իր իղձերն ու ցանկութիւնները սուրբ հերոսներին եւ աղերսում նրանց նպաստ բերել գործին: իր նպատակների կենսագործման ճանապարհին՝ օգնել իրեն.

Ի պատիւ ձեր զայս երգողիս,
 Յակոբ խըդճուկ Պատրիարքիս,
 Ի հանդերձեալն ւ ի կեանս աստիւ,
 Համակ լերո՛ւք սիրով ընդ իս:
 Ի հածելի կամս Աստուծոյ,
 Եւ մի՛ առ իղձ իմոյս հոգւոյ,
 Նըպաստք լերուք յաջողելոյ,
 Ո՞վ զուարթունք մառանք սիրոյ⁴³:

42. Անդ, էջ 610-611:

43. Անդ, էջ 627:

Այս կարգի բանաստեղծութիւններից մի քանիսը ժողովրդական ստեղծագործութեան հմայք ունեն: Նալեանը այսօրինակ փոքրիկ բանաստեղծութիւնների մի շարքով է աւարտում: «Գիրք մեկնութեան աղօթից սրբոյն Գրիգորի Նարեկացւոյ հրեշտակական վարդապետի» իր վիթխարածաւալ աշխատութիւնը: Ժողովրդաշունչ, երբեմն հանելուկատիկ այս բանաստեղծութիւնների մէջ Նալեանը սիրով ու քնչութեամբ խօսում է իր կրած գժուարութիւնների, իր նկատառութեամբ, մտորութեամբ, ցանկութիւնների մասին, որոնք նա ունեցել է յատկապէս «Մատեան Ողբերգութեան», «յոգնիմանալից շտեմարանի» մեկնութեան ժամանակ.

Թէեւ ունիմ զայլ ինչ կարօտ,
Են առ այս գործ կարի աղօտ,
Զանամի ի ցայդ եւ յառաւօտ,
Հանել եւ զայնս իբր ի յարօտ⁴⁴:

Նալեանը մարդկային ուժերից վեր է համարում Նարեկացուն յաղթահարելը եւ ներումն է խնդրում ընթերցողից թէ՝ «բիւրոց բանից զմինն յայտ արարի».

Մո՛ւտ ի սենեակ սիրոյ սրբոյս Գրիգորի,
Ճաշակեալ զիմաստն ըստ քումդ կարի,
Անմեղագի՞ր լեր ինձ յորդ սիրահարի,
Որ ի բիւրոց բանից զմինն յայտ արարի⁴⁵:

Նալեանը խորապէս զգում է, որ կատարում է ծանր ու գժուարին, բայց անմեռ մի գործ եւ որ «Նարեկ»ի ոգին յաւիտենական պահապան պիտի լինի իր անուանն ու լիշտակին.

Լե՛ր պահապան
Եւ ինձ պաշտպան,
Մինչ ի տապան,
Դընիլս ի տան:

* * *

Լինեմ զերկայն նուրբ կոտու,
Զմահն ո՛չ բերեմ ըզմընաւ,

44. Անդ, էջ 1053:

45. Անդ, էջ 7:

թէ հարկանէ կարկըտաւ,
Քարշէ ի հող զէտ տտաւ:

* * *

Իդձն իմ, որ է վառ,
Լըքանի իսպառ,
Կեանք իմ գերափառ,
Զերկունս ի միտ առ⁴⁶:

* * *

Ի պատկերէզ զանհուն քոյին սուրբ իմաստ,
Յարթուն անուն քոյդ ծառայէն բարերաստ,
Ծանեայ թէ ես գու խնդրողացն ի պատրաստ,
Տա'լ զոր խնդրեն թէ առելոց չեն ուրաստ⁴⁷:

Եւ մեկութիւններից յետոյ, եղրափակիչ բանաստեղծութիւններում, ներբողներում եւ յիշատակագրական բնոյթի չափածոյ երգերում նալեանը վերստին բարձրացնում է «Մատեան»ի համամարդկային նշանակութիւնը, բնութագրում նարեկացի մտածողի, փիլիսոփայի, հրեշտակական վարդապետի հանճարը, արժէքաւորում է «Մատեան»ն իբրեւ աստուածաբանական-փիլիսոփայական եղակի երկ, իբրեւ իմացաբանական, բարոյագիտական հանրագիտարան: Այս բանաստեղծութիւններում եւս մի զարմանալի իմացական զիծ է զարգացնում նալեանը՝ քրիստոնէական հաւատքի, սուրբ երրորդութեան եւ յունական մատերիալիստ փիլիսոփաների, հերակլեան աշխարհաճանաչողութեան միջեւ.

Ելրորդութեան մի տէրութեան,
Փառք եւ պատիւ յաւիտեան,
Որ համայնից տայ գոլ եւ կեան,
Խոստանայ փառք հանդըստեան:

Զեղու չնորհ ծովանըման,
Քան ըգհոսանս Հերակլեան,
Ամէն մէկի տայ ըստ տարփման,
Զէտ հայելոյ ըստ տեսլեան⁴⁸:

46. Անդ, էջ 1053:

47. Անդ:

48. Անդ:

Նալեանը իր բանաստեղծութիւններից մէկում, որ եղբափակում է 73րդ գլխի մեկնութիւնը, ընթերցողին յանձնարարում է ատեան հանել, ժողովի նստել, քննել Նարեկը համոզելու համար, որ աշխարհի բոլոր մէծութիւնները համբանում էն Նարեկացու առաջ.

Դի՛ր առաջի քոյ զայն ատեան,
Ցոր Տէրտուղոսըն քաջաբան,
Եւ Սորոմօն որդի Դաւթեան,
Լինին համերք անխօսական:
Անդ Օգոստոս հանրից արքայն,
Լինի աղքատ ւանընչական,
Անդ զառիւծու ուժն ունական,
Եւ նապաստակ երկչոտական:
Անդ Կըրասոս փարթամ արքայն,
Զէտ Սանդիտոնն է մերկական . . .⁴⁹:

Նալեանի «Մատեան»ի մեկնութեան բանաստեղծական առանձին հատուածները մտել են ձեռագրի աշխարհ, ընդօրինակուել եւ տարածուել նաեւ այդ ճանապարհով. այդպիսիներից է օրինակ «Աչեղ արփիոյն դու շառաւիդդ յարածագ» սրանչելի ներբողը, որով Նալեանը աւարտում է «Մատեան»ի մեկնութեան 81րդ գլուխը: Ձեռագրերում այն կրում է «Առ գերագունիցն քան զմեզ անմահից հրեշտական սիրոյ ներբողական բանք մաղթանաց» խորագիրը⁵⁰:

Բանաստեղծական մեծ թափով է հիւսուած նաեւ Նալեանի մեկնութեան 82րդ գլխին յաջորդող նարեկացուն եւ «Մատեան»ին նըւիրուած ներբողեանը՝ Ա-ից Ք տողերով.

Աթոռք անեղին, տեղիք հանգստեան,
Բանալիք դրախտին, բենաբան մատեան,
Գետք եղեմային՝ քառավլստակեան,
Դըրունք քաղաքին, սուրբ արքայութեան . . .
Իսկական բանին մեկնօղք եւ թարգման,
Լուսոյ ազնուին պատկերք բանական,
Խօսնակ գիշերին, զարթուցիչք մարդկան,
Ծաղկունք դրախտին, անմահ կեան բուրման,
Կառք հըրեղինին, յամէն կոյս տարման,
Հակագէն չարին, դիւին գլխատման,
Ջայն տուք տատրակին՝ ձմռան փախուցման . . .

49. Անդ, Էջ 608:

50. Մատեաղարան, ձեռ. Թիւ 6690, Էջ 12:

Նշանք երկնային, աղեղք հաշտութեան,
Շուշանք հովտային, ծաղկունք դաշտական...
Պարսաքարք չարին, գլխոյն ջախջախման,
Ջուր սուրբ աղբերին, զալտ մեղաց ջնջման...
Ցող թեթեւ ամպին, ծաղկանց բուսուցման...⁵¹:

Նալեանը չի բաւարարում իր մեկնութիւնները լրացնող երգե-
րով, նարեկացուն եւ «Մատեան»ին նուիրուած զանազանաձեւ, զա-
նազանառն իր սեփական բանաստեղծութիւններով: Ինչպէս նկատե-
ցինք, մեկնութիւնների լնիթացքում նա համապատասխան քաղուածք-
ներ է անում նաեւ չայոց անցած գարերի բանաստեղծների՝ Գր. Մա-
գիստրոսի, Ն. Շնորհալու, Ն. Լամբրոնացու, Յովհ. Երզնկացու, Խ.
Կեչառեցու, Ղ. Վանանդեցու եւ այլոց համապատասխան բանաստեղ-
ծութիւններից: Այս կերպ Նալեանը շատ որոշակի՝ իմաստասիրական,
գաղափարական կապ, աղերս է ստեղծում նարեկացու «Մատեան»ի
եւ միջնադարեան բանաստեղծութեան միջեւ, ընդգծում նոյն ժողո-
վըրգի ծոցից գուրս եկած, տարբեր գարերի բանաստեղծներին գաղա-
փարապէս միացնող կէտերը. սա յիրավի շատ ուշագրաւ երեւոյթ է:
Յիշենք մէկ երկու օրինակ: Նալեանը «Մատեան»ի 55րդ գլուխ «Խար-
մունք յիմարութեան եւ խաղալիք տղայականք» տողը մեկնարանելիս
գրում է. «Զի որպէս յիմարն է յառա եւ ի տուրս միշտ խարի եւ պա-
տրի ի խորամանկաց, այսպէս եւ յիմար բնութիւնս մէր ի փարչիկ
կենցաղոյս միշտ խարի եւ ո՛չ երբեք գգաստանայ»: Այդ նոյն զա-
ղափարը համաստելու համար նա բերում է Հուկաս Վանանդեցու մի
բանաստեղծութեան համապատասխան տողերը.

Ողբամ ըգբեղ դըժնեայ կենցաղ,
Զի ո՛չ ունիս բընաւ դու աղ,
Սիրողաց քոյց ջամբես աւաղ,
Բարեաց գործոց առնես յապաղ...
Վայելմունք քո երազականք,
Բայց կըշտամբանքն անեղբականք⁵²:

Նալեանը իր մեկնութիւնների մէջ ամէնից շատ օգտագործում է
ներսէս Շնորհալու երկերը («Յիսուս Որդի», «Վիպասանութիւն»,
տաղեր, գանձեր, շարականներ, հանելուկներ եւ այլն): Նալեան ուղ-
ղակի եւ անուղղակի կապեր, առընչութիւններ է տեսնում նարեկա-
ցու եւ Շնորհալու ստեղծագործութիւնների միջեւ: Մեկնարան զար-
մանալի քաջատեղեակութիւն է հանդէս բերում այս հարցում եւս:

51. ՅԱԿՈԲ ՆԱԼԵԱՆ, Գիրք մեկնութեան աղօրից..., էջ 630:

52. Անդ, էջ 409:

Նալեանն առաջին գրականագիտ (այսօրուայ հասկացողութեամբ), որ բացորոշում է «Մատեան»ի իմացարանութեան կենսական չափերը, հիմունքները, մատնացոյց անում նրա արուեստի ու գաղափարախօսութեան բարերար ազդեցութիւնը Հայոց միջին եւ նոր դարերի գիտական, բանաստեղծական մտքի վրայ:

* * *

Այսպէս, ուրեմն, 18րդ դարի կրթական-ուսաւորական շարժման խոշոր ներկայացուցիչ-նարեկագիտներ՝ Միհիթար Սեբաստացու եւ Պաղտասար Դարի կրտսեր ժամանակակից Յակոբ Նալեանը նարեկացիագիտառութեան պատմութեան մէջ բացում է նոր էջ: Նրա «Գիրք մեկնութեան աղօթից սրբոյն Գրիգորի Նարեկացւոյ» վիթխարածաւալքնական աշխատութիւնը նպաստում է 18-20րդ դարերի նարեկացիական շարժման պատմութեան զարգացմանը՝ շատ կողմերով: Այդ մեկնութիւնը միաժամանակ, ընթեցողին մղում է զէպի Նալեանի գրական ժառանգութեան ոլորտները. մեր ժամանակների ընթերցողի առջեւ խոյանում է աստուածաբան, իմաստանէր, բարոյագիտ, բանաստեղծ Յակոբ Նալեանի դիմանկարը: Դիմանկար, որին ցաւօք գորեթէ անծանօթ է արդի գրականագիտութիւնն ու պատմագիտութիւնը...:

ՇՈՒՇԱՆԻԿ ՆԱԶԱՐԵԱՆ

Résumé

UN SPECIALISTE DE GRIGOR NAREKAC'I LE PATRIARCHE YAKOB NALIAN

CHOUCHANIK NAZARIAN

Une des figures illustres du mouvement d'illumination culturelle et restaurateur du 18^e siècle arménien, est sans aucun doute, le Patriarche de Constantinople, le grand théologien, philosophe, pédagogue, poète et traducteur: Yakob Nalian. On lui doit une dizaine d'œuvres philologiques et critiques. Mais il faut dire que la pointe de sa création littéraire est constituée du Commentaire au «Livre des lamentations» du grand génie littéraire et poétique du X^e siècle: Grigor Narekac'i.

Yakob Nalian étudie et commente le «Livre» comme une œuvre sacrée, comme une création céleste. Le Commentateur planifie son œuvre en trois parties: 1°) démontrer les liens idéologiques et les points d'inspiration entre le «Livre» et la Bible. 2°) Dénoter les aspects généraux de la foi chrétienne ainsi que les éléments moraux, théologaux et scientifiques que l'on considérait nécessaires à cette époque pour la rénovation et la consolidation de la vie intérieure et spirituelle du fidèle chrétien appartenant à l'Eglise Apostolique arménienne. 3°) Offrir aux générations contemporaines arméniennes, des données solides et vastes fondées sur la lecture et les éléments inclus dans le «Livre» de Grigor Narekac'i, leur faisant connaître la science, la littérature, la philosophie et l'art de la tradition classique et médiéval arménienne. Nalian considère avec conviction ce «Livre» comme une recherche profonde des relations entre l'homme et Dieu manifesté par notre sauveur Jésus-Christ, mais il n'oublie pas aussi d'en affirmer l'aspect lyrique, poétique et intellectuel. Pour Nalian, Narekac'i, par la foi, la science divine et les conseils spirituels, en pleurs et en douleurs, souriant et confiant, nous dévoile les secrets de la vie réelle et nous démontre comment l'homme, loin de la foi, peut facilement basculer dans les abîmes, et quelles sont les voies de la rénovation spirituelle. La lecture de Nalian du «Livre», est à considérer un des points de départ les plus importants pour la connaissance profonde de Grigor Narekac'i, surtout à l'époque de la nouvelle Renaissance littéraire et culturelle arménienne.